

# H A L D S B R É F

## (drög)

### Samningur um afnot og umráð yfir prestssetri

Kirkjuráð f.h. kirkjumálasjóðs, kt. 530194-2489, Biskupsstofu Laugavegi 31, 101 Reykjavík setur

(nafn prests)

hér eftir nefndur umráðamaður, eftirfarandi haldsbréf um afnot og umráð prestssetursins

**Steinar 1, Djúpavogi, Djúpavogsprestakalli, Austurlandsprófastsdæmi.**

#### 1. gr. Prestssetrið

##### Eignarhlutar:

Prestssetrið greinist í eftirfarandi eignarhluta, samkvæmt Fasteignaskrá Íslands 2019:

Merking	Lýsing	Bygg.ár	Bstig/Mstig	Flatarmál	Fast.mat	Br.b.mat	Endurst.verð
01 0101	Einbýlishús	1950		220m <sup>2</sup>	14.600.000	57.250.000	
Samtals							

##### Lóð:

**Landnr 159273** Íbúðarhúsalóð **Stærð 900,m<sup>2</sup>** **Heildarlóðarmat 1.425.000**

**Eigendur: 530194-2489** Kirkjumálasjóður 100,0000%

##### Hlunnindi:

Hlunnindi sem ekki er getið í fasteignaskrá: Æðarvarp, dúntekja. Reki. Grasnytjar.

#### 2. gr. Gildistími

Haldsbréf þetta gildir frá x.xx.xxxx enda hafi umráðamaður undirritað bréfið. Haldsbréfið fellur úr gildi, án sérstakrar uppsagnar, þegar umráðamaður lætur af prestsembætti því sem prestssetrið fylgir.

Verði ákveðið í starfsreglum að leggja ekki til prestssetur í prestakallinu eða færa það til innan prestakallsins, fellur haldsbréfið úr gildi, án sérstakrar uppsagnar, við lok fimm ára skipunartíma umráðamanns í prestsembættinu.

Heimilt er að semja um skemmra tímamark.

#### 3. gr. Umráð og afnot

Umráðamaður ber ábyrgð á prestssetrinu ásamt fasteignasviði kirkjumálasjóðs og hefur umsjón með því samkvæmt haldsbréfi þessu.

Umráðamaður hefur á gildistíma haldbréfsins öll lögmæt og eðlileg umráð og afnot prestssetursins með þeim takmörkunum sem greinir í haldsbréfi þessu og gildandi starfsreglum hverju sinni.

#### **4. gr. Ráðstöfun prestssetursins eða réttinda þess**

Umráðamaður getur eigi ráðstafað prestssetrinu eða réttindum sem því kunna að tengjast, þannig að það bindi kirkjumálasjóð og/eða þannig að ráðstöfun gildi lengur en hann gegnir embætti sínu, án samþykkis kirkjuráðs þjóðkirkjunnar og annarra lögmæltra aðilja hverju sinni.

Umráðamaður getur ekki, án samþykkis kirkjuráðs, ráðstafað prestssetrinu nema í samræmi við eðlileg og hefðbundin not þess.

Kirkjuráð þjóðkirkjunnar gerir alla löggerninga, og/eða aðrar ráðstafanir sem fela í sér varanlega skerðingu eða breytingu á prestssetri, umhverfi þess og ásýnd, eða viðbætur við prestssetrið, svo og löggerninga vegna réttinda sem undanskilin kunna að vera umráða- og afnotarétti umráðamanns.

Umráðamanni er heimilt, með samþykki kirkjuráðs, að leigja prestssetur að hluta eða í heild, þriðja aðila um skamma hríð.

#### **5. gr. Leigugjald/afgjald**

Kirkjuráð þjóðkirkjunnar ákveður árlegt leigugjald fyrir prestssetrið á grundvelli gildandi starfsreglna hverju sinni. Við gildistöku haldsbréfs þessa nemur árlegt leigugjald 3,3% af fasteignamati. Mánaðarleg leiga skal aldrei vera lægri en 36.000 kr. og ekki hærri en 70.000 kr. Fjárhæðir þessar taka breytingum samkvæmt breytingum sem kunna að verða á vísitölu neysluverðs, eins og hún var 1. janúar 2010, þ.e. 356,8 stig. (Gjaldárið 2019 er lágmarksleiga kr. 45.197 og hámarksleiga kr. 87.883).

Ákvörðun um leigugjald skv. framanskráðu er tekin fyrir ár í senn og er leigugjaldinu jafnað á gjaldaárið með mánaðarlegri greiðslu fyrirfram frá 1. mars til febrúarloka. Leigugjaldið er dregið mánaðarlega af launum umráðamanns.

Samkvæmt ofangreindu er mánaðarlegt leigugjald vegna gjaldársins 2019-2020 kr. 45.197.

#### **6. gr. Viðhald og endurbætur**

Umbúnaður og ásýnd prestssetursins er á forræði fasteignasviðs kirkjumálasjóðs og skal viðhald og endurbætur á prestssetrinu vera í samræmi við fyrirmæli frá sviðinu þar að lútandi.

Vinna að viðhaldi og endurbótum á prestssetrinu og stofnun útgjalfa í því skyni er á forræði fasteignasviðs, nema um viðhald sé að ræða sem umráðamanni er skyld að sinna skv. ákvæðum gildandi húsaleigulaga og ábúðarlaga.

Umráðamaður getur leitað samninga við kirkjuráð þjóðkirkjunnar um heimild til að annast viðhaldsframkvæmdir í eftirfarandi tilvikum:

- a. viðhaldsheimild án fjárfamlags kirkjumálasjóðs og/eða umráðamanns án endurgjaldskröfu umráðamanns

- b. viðhaldsheimild með fjárframlagi kirkjumálasjóðs án endurgjaldskröfu umráðamanns
- c. viðhaldsheimild með eigin fjárframlagi umráðamanns án endurgjaldskröfu umráðamanns
- d. viðhaldsheimild með eigin fjárframlagi umráðamanns og endurgjaldskröfu umráðamanns

Skal samkomulag um ofangreint vera skriflegt með umsaminni fjárhæð ef við á.

## **7. gr. Úttekt**

Unnin verður ástandsskýrsla af hálfu fasteignasviðs kirkjuráðs í því skyni að staðreyna hvert ástand fasteignarinnar er við afhendingu hennar til umráðamanns.

Við lok gildistíma haldsbréfs þessa skal prestssetrið tekið út eða ástandsmatsskýrsla unnin af hálfu fasteignasviðs.

## **8. gr. Annað**

Haldsbréf þetta er sett skv. starfsreglum um prestssetur og aðrar fasteignir þjóðkirkjunnar nr. 950/2009, sem settar voru með heimild í 3. mgr. 62. gr., sbr. 59. gr., laga nr. 78/1997 um stöðu, stjórn og starfshætti þjóðkirkjunnar.

---

Staður, dags.

Umráðamaður

F.h. kirkjuráðs v. kirkjumálasjóðs

---

Fylgiskjöl:

Starfsreglur um prestssetur og aðrar fasteignir þjóðkirkjunnar nr. 950/2010

Húsaleigulög nr. 36/1994

# STARFSREGLUR

**um prestssetur og aðrar fasteignir þjóðkirkjunnar nr. 950/2009,  
sbr. starfsrgl. nr. 951/2010, nr. 1024/2014, nr. 1076/2017 og nr. 1115/2018.**

## I. KAFLI

### **Markmið og gildissvið.**

1. gr.

- Þjóðkirkjan varðveitir, á og leigir fasteignir sem styðja þjónustu hennar og markmið, í samræmi við samþykkta fjárfestingarstefnu kirkjuþings hverju sinni.

2. gr.

- Fasteignir í eigu þjóðkirkjunnar skulu þinglýst eign þjóðkirkjunnar/kirkjumálasjóðs, að undanskyldum kirkjum, safnaðarheimilum, þjónustuhúsum og öðrum fasteignum í eigu sókna, sem skulu þinglýst eign þjóðkirkjunnar/viðkomandi sóknar.

## II. KAFLI

### **Stjórnerfi.**

3. gr.

- Kirkjuþing samþykkir stefnumótun um fasteignir þjóðkirkjunnar.
- Kirkjuþing samþykkir árlegar fjárhagsáætlanir um rekstur og viðhald fasteigna kirkjumálasjóðs.

□ [...]<sup>1)</sup>

*1) Starfsrgl. 1024/2014, 1. gr.*

4. gr.

- Kirkjuráð fylgir eftir samþykktri stefnumótum kirkjuþings um fasteignir.
- Kirkjuráð annast fasteignaumsýslu á grundvelli samþykktrar fjárhagsáætlunar kirkjuþings og samkvæmt starfsreglum þessum.
- Kirkjuráð ber ábyrgð á framkvæmd stefnumótunar og fasteignaumsýslu, skv. 1. og 2. mgr. gagnvart kirkjuþingi.
- Kirkjuráð annast kaup og sölu fasteigna þjóðkirkjunnar og nýbyggingar. Sala fasteigna kirkjumálasjóðs skal háð samþykki kirkjuþings. Ákvarðanir kirkjuráðs um kaup og nýbyggingar skulu vera innan þeirrar fjárhagsáætlunar sem kirkjuþing hefur samþykkt.

□ [...]<sup>1)</sup>

- Kirkjuráð samþykkir samninga um fasteignir sem gilda lengur en fimm ár.
- Kirkjuráð skipar sviðsstjóra fasteignasviðs, sbr. 8. gr. starfsreglna þessara og ræður annað starfsfólk sviðsins.
- Forseti kirkjuráðs skuldbindur kirkjumálasjóð með undirritun á skjöl er varða fasteignir svo sem kaupsamninga, afsöl, veðleyfi, skuldabréf og skiptasamninga. Heimilt er kirkjuráði að samþykkja að framkvæmdastjóri kirkjuráðs eða staðgengill hans megi undirrita skjöl með sama skuldbindandi hætti og forseti kirkjuráðs. [Einnig er kirkjuráði heimilt að samþykkja að sviðsstjóri fasteignasviðs eða staðgengill hans

geti undirritað skjöl með sama skuldbindandi hætti. Kirkjuráð getur takmarkað undirritunarheimildir samkvæmt framanskráðu við tilteknar tegundir skjala.]<sup>1)</sup>

1) *Starfsrgl. 1024/2014, 2. gr.*

#### 5. gr.

■[...]<sup>1)</sup>

1) *Starfsrgl. 1024/2014, 3. gr.*

#### 6. gr.

■[Kirkjuráð skal annast um rekstur fasteigna kirkjumálasjóðs. Það felst í því að annast viðhald eignanna í samræmi við samþykkta fjárhagsáætlun, gæta réttinda og varðveita þau sem tengjast eignunum, sjá um tryggingar og halda uppi lögskilum.

□ Kirkjuráð sér um að deiliskipulag sé fyrir hendi þar sem nauðsyn krefur eða lög bjóða og ákveður útlit fasteigna og umbúnað í meginatriðum.

□ Kirkjuráð semur tillögur að árlegri fjárhagsáætlun vegna reksturs fasteigna, er skulu lagðar fyrir kirkjuráð, eigi síðar en í júnímánuði árið á undan.

□ Kirkjuráð semur tillögur að þriggja ára framkvæmdaáætlun vegna viðhalds og nýbygginga fasteigna fyrir kirkjuráð er skulu lagðar fyrir ráðið eigi síðar en í júnímánuði árið á undan.]<sup>1)</sup>

1) *Starfsrgl. 1024/2014, 4. gr.*

#### 7. gr.

■[Kirkjuráð veitir sóknum almenna fræðslu, ráðgjöf og leiðbeiningar um verklegar framkvæmdir á þeirra vegum. Kirkjuráð skal liðsinna og veita þeim sóknum faglega ráðgjöf sem hyggjast ráðast í nýbyggingar kirkna, safnaðarheimila, þjónustuhúsa eða meiri háttar viðhaldsframkvæmdir]<sup>1)</sup>

1) *Starfsrgl. 1024/2014, 5. gr.*

#### 8. gr.

■[Fasteignasvið þjóðkirkjunnar skal starfrækt af kirkjuráði. Fasteignasviðið sinnir daglegum rekstri þeirra verkefna sem kirkjuráði eru falin í starfsreglum þessum, eftir nánari fyrirmælum nefndarinnar og ráðsins.

□ Kirkjuráð skipar sviðsstjóra fasteignasviðs og felur honum að annast daglegan rekstur fasteigna og eignaumsýslu samkvæmt samþykktri fjárhags- og framkvæmdaáætlun. Kirkjuráð skipar staðgengil sviðsstjóra.]<sup>1)</sup>

1) *Starfsrgl. 1024/2014, 6. gr.*

#### 9. gr.

■Sviðsstjóri ákveður umbúnað fasteigna kirkjumálasjóðs og ásýnd þeirra í samráði við [kirkjuráð].<sup>1)</sup> Skal hann m.a. taka tillit til forminja, náttúruminja, húsafríðunar, umhverfisstefnu og ferðaþjónustu eftir því sem við getur átt.

1) *Starfsrgl. 1076/2017, 1. gr.*

10. gr.

■Óheimilt er að vinna að endurbótum á fasteignum kirkjumálasjóðs eða stofna til útgjálfa þeirra vegna nema á grundvelli samþykktrar fjárhags- og framkvæmdaáætlunar og með skriflegu samþykki sviðsstjóra fasteignasviðs.

**III. KAFLI**  
**Prestssetur.**

11. gr.

■Prestssetur, þar sem þess er getið í starfsreglum um skipulag kirkjunnar í héraði, er prestsbústaður ásamt lóð, eða prestssetursjörð með íbúðarhúsi, mannvirkjum og hlunnindum. Prestssetur er aðsetur þjónandi prests og hluti embættis hans. Prestssetur er í umsjá kirkjumálasjóðs og viðkomandi prests. Prestur skal eiga lögheimili á prestssetrinu og sitja prestsetrið, nema biskup heimili annað um stundarsakir, sbr. ákvæði 2. mgr. 42. gr. laga um stöðu, stjórn og starfshætti þjóðkirkjunnar nr. 78/1997.  
□Hafi kirkjumálasjóður ekki yfir húsnaði að ráða fyrir prest í prestakalli þar sem prestssetur skal vera er heimilt að semja við prestinn um leigu á húsnaði í hans eigu eða umsjá sem prestssetur í prestakallinu. Heimilt er að leigja húsnaði til bráðabirgða utan prestakalls fáist ekki viðunandi húsnaði innan þess.

12. gr.

■[Kirkjuráð ásamt viðkomandi presti fer með málefni prestsseturs og almennt fyrirsvar þess. Kirkjuráð fer með stjórн prestssetursjarða gagnvart prestum á prestssetursjörðum samkvæmt ábúðalögum eftir því sem við getur átt og gegnir hlutverki leigusala gagnvart presti í prestsbústað með þeim afbrigðum sem leiðir af sérstöðu prestssetra.

□Kirkjuráð setur prestum haldsbréf vegna afnota þeirra af prestssetrum. Skal það liggja fyrir þegar prestsembætti er auglýst.  
□Kirkjuráð gerir leigusamninga vegna prestssetra, hluta prestssetra eða réttinda, sem þeim tilheyra, aðra en þá sem prestum er heimilt að gera skv. ákvæðum haldsbréfa.]<sup>1)</sup>

<sup>1)</sup> Starfsrgl. 1024/2014, 7. gr.

13. gr.

■[Prestur hefur varðveisluskyldu gagnvart prestssetri, sem hann situr, enda þótt hann njóti ekki allra hluta þess.

□Prestur skal gera kirkjuráði og prófasti viðvart án tafar ef hann telur að hlunnindi, ítök, greiðslumark, gæði eða réttindi prestssetursjarðar séu illa nýtt, vanrækt eða hætta á að þau gangi undan.

□Um eftirlitsskyldu prófasta fer eftir ákvæðum gildandi starfsreglna um prófasta hverju sinni.]<sup>1)</sup>

<sup>1)</sup> Starfsrgl. 1024/2014, 8. gr.

14. gr.

■Prestssetur skal ávallt tekið út við viðtöku og skil prests á því.

- Prestur á rétt á úttekt er hann tekur við prestssetri eða ef verulegar endurbætur hafa farið fram á prestsbústað eða ef hann tekur við hluta prestsseturs sem hann hefur ekki haft til umráða áður.
- Við úttekt prestssetursjarða skal fylgja ákvæðum ábúðalaga eftir því sem við á.
- Kostnaður, vegna úttektarmanna þ.e. ferðakostnaður og vinna, skal greiddur af kirkjumálasjóði og presti.

#### 15. gr.

- [Prestur hefur öll lögmæt og eðlileg afnot prestsseturs meðan hann geginr embætti samkvæmt haldsbréfi og gildandi starfsreglum hverju sinni. Prestur hefur umsjón með prestssetri og nýtur arðs og hlunninda skv. ákvæðum í haldsbréfi.]
  - Prestur getur eigi ráðstafað prestssetri eða réttindum sem því tengjast, þannig að það bindi kirkjumálasjóð og/eða þannig að ráðstöfun gildi lengur en hann geginr embætti sínu, án samþykkis kirkjuráðs og annarra lögmæltra aðilja hverju sinni.
  - Prestur getur ekki, án samþykkis kirkjuráðs, ráðstafað prestssetri nema í samræmi við eðlileg og hefðbundin not þess.
  - Alla samninga, sem fela í sér varanlega skerðingu eða breytingu á prestssetri, ásýnd þess eða viðbætur við prestssetrið gerir kirkjuráð, svo og löggerninga vegna réttinda sem undanskilin kunna að vera afnotarétti prests.]<sup>1)</sup>

*1) Starfsrgl. 1024/2014, 9. gr.*

#### 16. gr.

- Presti er heimilt, með samþykki kirkjuráðs, að leigja prestssetur að hluta eða í heild, þriðja aðila um skamma hríð, t.d. meðan prestur er í leyfi.
- Prestur í leyfi ber hvorki ábyrgð á né ber hann kostnað af prestssetri að hluta eða í heild ef afleysingaprestur fær það til afnota og leigu samkvæmt samningi við kirkjuráð.]<sup>1)</sup>

*1) Starfsrgl. 1024/2014, 10. gr.*

#### 17. gr.

- Að fengnu skriflegu leyfi sviðsstjóra fasteignasviðs hefur prestur umsjón með og kostar minniháttar lagfæringar á prestssetri umfram það sem presti er skylt skv. gildandi lögum hverju sinni.

#### 18. gr.

- Kirkjuráð getur leitað eftir fjárstuðningi viðkomandi sókna eða annarra aðila vegna byggingar prestsseturs eða hluta þess eða verulegra umbóta en slíkur stuðningur skal vera óafturkræfur og án skuldbindinga af hálfu kirkjumálasjóðs.

#### 19. gr.

- Kirkjuráði er heimilt að undanskilja hluta prestsseturs, þegar laust embætti sem prestssetur fylgir er auglýst. Skal það koma fram í auglýsingum hið lausa embætti.

## IV. KAFLI

### Leiga fasteigna, hlunninda, ítaka og annarra réttinda.

20. gr.

- [Kirkjuráð felur sviðsstjóra eða tilteknunum starfsmanni fasteignasviðs að semja skriflega við alla þá sem nýta eignir kirkjumálasjóðs, hlunnindi, ítok og hvers kyns réttindi og stuðla með öllum ráðum að öruggri vörslu þessara eigna.]<sup>1)</sup>

1) *Starfsrgl. 1024/2014, 11. gr.*

21. gr.

- Fjárhæð leigu allra fasteigna kirkjumálasjóðs svo og aðrir skilmálar skulu ákveðnir í skriflegum leigusamningi.
- Leiga af prestssetrum, þ.e. jörðum og húsum, auk hlunninda, ítaka og annarra réttinda sem prestur nýtur vegna embættis síns, skal nema 3,3% af fasteignamatí hins leigða á ári.
- Leiga prestssetra í eigu kirkjunnar skal ekki vera lægri en kr. 36.000 á mánuði og ekki hatti en kr. 70.000 á mánuði og taka fjárhæðir þessar breytingum samkvæmt neysluvísitölu. Um leigu fyrir aðrar eignir er samið.
- Ákvörðun um leigugjald af prestssetrum skal tekin fyrir ár í senn og skal því jafnað á gjaldaárið með mánaðarlegri greiðslu fyrirfram frá 1. mars til 28. febrúar. Tilkynna skal ákvörðun þessa eigi síðar en 1. febrúar ár hvert.
- [...]<sup>2)</sup>

1) *Starfsrgl. 1076/2017, 2. gr.*

2) *Starfsrgl. 1024/2014, 12. gr.*

22. gr.

- [Kirkjuráði er heimilt að lækka eða fella niður tímabundið leigugjald frá því sem ákveðið er skv. 21. gr. vegna lögmætra leyfa prests eða veikinda. Kirkjuráði er einnig heimilt að lækka tímabundið leigugjald vegna kvaða eða sérstakra aðstæðna.
- Ákvarðanir um lækkun leigu falla sjálfkrafa úr gildi ef forsendur lækkunar breytast eða þegar viðkomandi prestur lætur af embætti.]<sup>1)</sup>

1) *Starfsrgl. 1024/2014, 13. gr.*

23. gr.

- [Prestur nýtur arðs af hlunnindatekjum prestsseturs, öðrum en tekjum af veiði í ám og vötnum, svo og þeim réttindum sem getið er í 11. gr. ábúðarlaga nr. 80/2004, með síðari breytingum. Þá skulu tekjur af landspildum og lóðum, sbr. 22. og 23. gr. ábúðarlaga renna til kirkjumálasjóðs. Presti skal greidd þóknun fyrir gæslu veiðihlunninda kirkjumálasjóðs sem nemur fjórum einingum á mánuði eins og hver eining var ákvörðuð prestum af kjararáði 17. desember 2017. Fjárhæð eininganna tekur breytingum samkvæmt vísitölu neysluverðs miðað við janúar ár hvert. Ekki skal þó greiða hærri þóknun en sem nemur hlunnindatekjum viðkomandi prestsseturs.]<sup>1)</sup>
- [Við leigu annarra jarða en prestssetra er kirkjuráði heimilt að undanskilja tilgreind hlunnindi eða hluta jarðar samkvæmt nánari ákvörðun og leigja sérstaklega.]<sup>2)</sup>

1) *Starfsrgl. 1115/2018, 1. gr.*

2) *Starfsrgl. 1024/2014, 14. gr.*

V. KAFLI  
**Gildistaka.**

24. gr.

■ Starfsreglur þessar eru settar með heimild í 59. gr. laga um stöðu, stjórn og starfshætti þjóðkirkjunnar nr. 78/1997 og öðlast gildi 1. janúar 2010. Frá sama tíma falla brott starfsreglur um prestssetur nr. 1027/2007.

**Ákvæði til bráðabirgða.**

□ [Ákvæði 21. og 23. gr. hafa ekki áhrif á gildandi haldsbréf.]<sup>1)</sup>

1) *Starfsrgl. 951/2010, ákv. til bráðabirgða.*

## 1994 nr. 36 22. apríl

### Húsaleigulög

Tóku gildi 1. janúar 1995. Breytt með l. 65/2006 (tóku gildi 27. júní 2006), l. 65/2010 (tóku gildi 27. júní 2010), l. 66/2010 (tóku gildi 1. júlí 2010), l. 162/2010 (tóku gildi 1. jan. 2011), l. 77/2011 (tóku gildi 29. júní 2011), l. 126/2011 (tóku gildi 30. sept. 2011) og l. 63/2016 (tóku gildi 22. júní 2016 og gilda um húsaleigusamninga sem gerðir eru eftir gildistóku þeirra; aðilum eldri leigusamninga er heimilt að semja um að löginn gilda um samninga þeirra, sbr. 46. gr. s.l.).

Ef í lögum þessum er getið um ráðherra eða ráðuneyti án þess að málefnaði sé tilgreinir sérstaklega eða til þess vísað, er átt við félags- og barnamálaráðherra eða félagsmálaráðuneyti sem fer með lög þessi.

#### I. kafli. Gildissvið laganna o.fl.

##### ■ 1. gr.

□ [Lög þessi gilda um leigusamninga um afnot af húsnæði eða hluta af húsnæði gegn endurgjaldi, sbr. þó 4. mgr., þar að meðal leigusamninga um framleigu húsnæðis, enda þótt endurgjaldið skuli að öllu leyti eða að hluta greiðast með öðru en peningum, svo sem vinnuframlagi.]<sup>1)</sup>

□ Lög þessi gilda um afnot húsnæðis samkvæmt vinnusamningi eða viðauka við slíkan samning. Þá gilda löginn um samninga sem ásamt öðru eru um afnot húsnæðis gegn endurgjaldi að því tilskildu að sá þáttur sé meginatriði þeirra. Sé leigusamningur um land sem nýta á í tengslum við afnot af húsnæði skal einnig fara um slíkan samning samkvæmt lögum þessum nema um landbúnaðarafnot sé að ræða.

□ Leigusamningar skv. 1. og 2. mgr. geta tekið til leigu á íbúðarhúsnæði, atvinnuhúsnæði og öðru húsnæði. Sé húsnæði bæði leigt til íbúðar og til annarra nota skulu ákvæði laga þessara um íbúðarhúsnæði gilda um slíka leigusamninga. Þá skulu ákvæði laga þessara sem gilda samkvæmt orðanna hljóðan um íbúðarhúsnæði gilda um atvinnuhúsnæði eftir því sem við getur átt og að því leyti sem löginn hafa ekki að geyma sérreglur um atvinnuhúsnæði.

□ Lög þessi gilda ekki um samninga um afnot húsnæðis samkvæmt lögum um húsnæðissamvinnufélög og lögum um veitingastaði, gististaði og skemmtanahald. Þá gilda lög-in hvorki um leigu á íþróttasölu og geymsluhúsnæði þegar leigutími er skemmti en ein vika né um samninga um afnot húsnæðis sem sérreglur gilda um samkvæmt öðrum lögum.]<sup>1)</sup>

<sup>1)</sup> L. 63/2016, 1. gr.

##### ■ 2. gr.

□ Óheimilt er að semja um að leigjandi íbúðarhúsnæðis taki á sig rískari skyldur og öðlist minni réttindi en löginn mæla fyrir um nema ákvæði laganna hafi að geyma sérstök frávik þess efnis.

□ Ákvæði laganna um atvinnuhúsnæði eru hins vegar frávirkjanleg og gilda þau því aðeins um slíkt húsnæði að ekki sé á annan veg samið. [Híð sama á við um annað húsnæði sem hvorki telst íbúðar- né atvinnuhúsnæði.]<sup>1)</sup>

□ [Pegar um leigu íbúðarhúsnæðis á áfangaheimili eða leigu íbúðarhúsnæðis til námsmannaa á vegum lögaðila sem ekki er rekinn í hagnaðarskyni og hefur þjónustu við námsmenn að meginmarkmiði er að ræða er þrátt fyrir 1. mgr. heimilt, vegna sérstaks eðlis og tilgangs starfsemminnar, að víkja frá einstökum ákvæðum laga þessara með samningi. Í samningi ber að geta þeirra frávika sem um ræðir. Með áfangaheimili er átt við dvalarheimili sem starfrækt er með það að markmiði að stuðla að endurhæfingu einstaklinga sem í flestum tilfellum hafa verið á meðferðar- eða endurhæfingarstofnun eða í fangelsi.]<sup>1)</sup>

<sup>1)</sup> L. 63/2016, 2. gr.

##### ■ 3. gr.

□ [Ákvæði í lögum þessum um hjón og maka eiga einnig

við um einstaklinga í óvígðri sambúð eða sambúð af öðru tagi sem staðið hefur samfleytt í eitt ár. Með óvígðri sambúð er átt við sambúð tveggja einstaklinga sem skráð er í þjóðskrá enda eigi þeir barn saman, von á barni saman eða sambúðin hefur verið skráð í eitt ár samfellt hið skemmsta.]<sup>1)</sup>

<sup>1)</sup> L. 65/2010, 29. gr.

##### ■ [3. gr. a.]

□ Leigusala, sem er lögðili sem ekki er rekinn í hagnaðarskyni, er heimilt að setja lögmat og málefnaleg skilyrði fyrir leigu íbúðarhúsnæðis.

□ Hafi leigusali skv. 1. mgr. sett lögmat og málefnaleg skilyrði fyrir leigu íbúðarhúsnæðis er honum jafnframt heimilt að gera að skilyrði fyrir leigu íbúðarhúsnæðisins að leigjandi veiti þær upplýsingar sem nauðsynlegar eru til þess að meta hvort hann uppfylli umrædd skilyrði leigusala. Sé um persónuupplýsingar að ræða skal vinnsla þeirra vera í samræmi við lög um persónuvernd og vinnslu persónuupplýsinga.

□ Leigusali skv. 1. mgr. skal gæta trúnaðar um upplýsingar sem veittar eru skv. 2. mgr.

□ Þegar leigusali er lögðili sem ekki er rekinn í hagnaðarskyni er honum heimilt að gera að skilyrði fyrir leigu íbúðarhúsnæðis að húsnæðisbætur, sem leigjandi kann að eiga rétt á, séu greiddar beint til leigusala á leigutíma.]<sup>1)</sup>

<sup>1)</sup> L. 63/2016, 3. gr.

#### II. kafli. Leigusamningur.

##### ■ 4. gr.

□ Leigusamningur um húsnæði skal vera skriflegur.

□ [Ráðuneytið]<sup>1)</sup> létur gera sérstök eyðublöð, eitt fyrir leigusamning um atvinnuhúsnæði, svo og eyðublöð fyrir úttektaryfirlysingar og sýnishorn af uppsögnum og öðrum tilkynningum sem samkvæmt lögum þessum skulu vera skriflegar. [Eyðublöðin skulu aðgengileg almenningi á rafrænu formi.]<sup>1)</sup>

□ . . .<sup>1)</sup>

<sup>1)</sup> L. 63/2016, 4. gr.

##### ■ 5. gr. . .<sup>1)</sup>

<sup>1)</sup> L. 63/2016, 5. gr.

##### ■ 6. gr.

□ Í leigusamningi skal m.a. koma fram:

1. Nöfn, heimilisföng og kennitölur samningsaðila.
2. Greinargóð lýsing á hinu leigða, sbr. m.a. 38. gr.
3. Sá eignarhluti [fjöleignarhlúss]<sup>1)</sup> eða fasteignar sem leigjanda er leigður.

[4. Staða rafmagnsmælis og heitavatnsmælis við afhendingu húsnæðis, þegar slíkur mælir er sérgreindur fyrir leigu húsnæðið, og dagsetning álesturs.]<sup>1)</sup>

[5.]<sup>1)</sup> Hvort samningur sé tímabundinn eða ótímabundinn.

[6.]<sup>1)</sup> Fjárhæð húsaleigu og hvort og hvernig hún skuli breytast á leigutímanum.

[7.]<sup>1)</sup> Hvar og hvernig greiða skuli leiguna.

[8.]<sup>1)</sup> Hvort leigjandi skuli setja tryggingu og með hvaða hætti.

[9.]<sup>1)</sup> Hvort úttekt á hinu leigða skuli fara fram við afhendingu.

[10.]<sup>1)</sup> Forgangsréttur leigjanda skv. X. kafla.

[11.]<sup>1)</sup> Sérkvæði ef um þau er samið og lög heimila.

<sup>1)</sup> L. 63/2016, 6. gr.

##### ■ 7. gr.

□ Nú er leigusala ekki mögulegt að sinna skyldum sínum gagnvart leigjanda, svo sem vegna langvarandi fjarvista eða sjúkleika, og er honum þá skilt að hafa umboðsmann

sem leigjandi getur snúið sér til. Skal nafn, heimilisfang og kennitala umboðsmanns koma fram í leigusamningi.

### ■ 8. gr.

□ Allar breytingar á leigusamningi eða viðbætur við hann, sem heimilar eru samkvæmt lögum þessum, skulu gerðar skriflega og undirritaðar af aðilum samningsins.

□ Ef annar hvor aðila þarf samkvæmt ákvæðum laga þessara eða leigusamningi að fá samþykki hins getur hann krafist þess að fá það staðfest skriflega.

### ■ 9. gr.

□ Leigusamning má ýmist gera til ákveðins tíma eða ótímabundinn.

□ Leigusamningur telst ótímabundinn nema um annað sé ótvírætt samið. Um ótímabundna leigusamninga gilda ákvæði 56. gr. um uppsagnir og uppsagnarfresti.

□ Sé leigusamningur ótímabundinn lýkur honum án sérstakrar uppsagnar nema um annað sé samið, sbr. 58. gr.

□ Um ótímabundna og ótímabundna leigusamninga gilda ákvæði X. kafla um forgangsrétt leigjanda.

### ■ 10. gr.

□ Hafi aðilar vanrækt að gera skriflegan leigusamning teljast þeir hafa gert ótímabundinn leigusamning og gilda öll ákvæði laganna um réttarsamband þeirra.

□ Upphæð leigunnar ákvæðst þá sú fjárhæð sem leigusali getur sýnt fram á að leigjandi hafi samþykkt.

### ■ 11. gr.

□ Um heimild til að víkja húsaleigusamningi til hliðar í heild eða að hluta eða til að breyta honum, ef það yrði talið ósanngjarnit eða andstætt góðri viðskiptavenju að bera hann fyrir sig, gilda ákvæði laga nr. 7/1936, um samningsgerð, umboð og ógilda löggerninga.

### ■ 12. gr.

□ Réttindi leigjanda, sem byggjast á eða leiðir af ákvæðum laga þessara, eru gild gagnvart sérhverjum án þinglýsingar, sbr. þó ákvæði 2. mgr.

□ Að öðru leyti fer það eftir ákvæðum þinglýsingalaga hvaða réttindi leigjanda, hvenær og gagnvart hverjum eru háð þinglýsingi.

□ Leigjandi, sem með samningi öðlast víðtækari réttindi en 1. og 2. mgr. mæla fyrir um og vill tryggja þau, getur látið þinglýsa samningnum.

□ Er leigutíma lýkur skal leigjandi láta aflýsa hinum þinglýsta samningi. Hafi hann ekki látið gera það í síðasta lagi innan viku þar frá skal samningi aflýst að kröfu leigusala.

### ■ 13. gr.

□ Þurfi aðili leigusamnings vegna fyrirmæla laga þessara að koma á framfæri við gagnaðila skriflegri orðsendingu, hverju nafni sem hún nefnist, þá skal hún send af stað með sannanlegum og tryggilegum hætti og innan þeirra tímamarka eða fresta sem mælt er fyrir um ef því er að skipta. Sé þess gætt þá hefur orðsendingin þá þýðingu og þau réttaráhrif sem henni er ætlað að hafa, jafnvel þótt hún komi afbókuð, of seit eða alls ekki til viðtakanda.

□ [Pegar lög þessi áskilja að orðsendingar, hverju nafni sem þær nefnast, séu skriflegar skulu varðveisitanlegar og framvísanlegar orðsendingar á rafrænu formi taldar fullnægja þessum áskilnaði séu þær sendar á síma, netfang eða annan ákvörðunarstað sem gefinn er upp í leigusamningi.]<sup>1)</sup>

<sup>1)</sup> L. 63/2016, 7. gr.

## III. kaffli. Ástand hins leigða húsnæðis.

### ■ 14. gr.

□ Leiguþúsnæði skal, þegar það er afhent leigjanda, vera í

því ástandi sem almennt er talið fullnægjandi miðað við fyrirhugaða notkun þess og staðsetningu.

□ [Húsnæðið skal við afhendingu vera hreint, rúður heilar, læsingar og rofar virkir, hreinlætis-, hitunar- og heimilistæki sem teljast fylgife húsnæðis í lagi, sem og vatns- og frárennslislagnir, reykskynjari og slökkvitæki. Þá skal leiguþúsnæði að öðru leyti fullnægja kröfum um brunavarnir sem fram eru settar í lögum og reglugerðum.]<sup>1)</sup>

□ Húsnæði, sem leigt er til íbúðar, skal fylgja það fylgife sem var til staðar við sýningu þess sé eigi sérstaklega um annað samið.

<sup>1)</sup> L. 63/2016, 8. gr.

### ■ 15. gr.

□ Spillist leiguþúsnæði fyrir upphaf leigutíma þannig að það verði óheft til fyrirhugaðra nota fellur leigusamningurinn úr gildi.

□ Leigjandi á þá ekki rétt til bóta nema spjöllin séu sök leigusalas sjálfs eða hann vanræki að gera leigjanda viðvart um þau.

### ■ 16. gr.

□ Nú kemur í ljós að hið leigða húsnæði er ekki í því ástandi sem leigusamningur greinir eða leigjandi hlaut að mega gera ráð fyrir og skal leigjandi þá innan [fjögurra vikna]<sup>1)</sup> frá afhendingu gera leigusalas skriflega grein fyrir aðfinnslum sínum og segja til um hverra úrbóta er krafist. Að öðrum kosti telst leigjandi una húsnæðinu.

□ Leigjandi skal [gera leigusalas skriflega grein fyrir göllum],<sup>1)</sup> sem síðar koma fram á húsnæðinu og voru ekki sýniligrir við venjulega athugun, innan 14 daga frá því hann varð þeirra var.

<sup>1)</sup> L. 63/2016, 9. gr.

### ■ 17. gr.

□ [Hefjist leigusalas ekki handa við að bæta úr annmörkum á húsnæðinu innan fjögurra vikna frá því að honum barst skrifleg tilkynning skv. 1. eða 2. mgr. 16. gr. er leigjanda heimilt að ráða bót á þeim og draga frá leigunni þann kostnað sem af hlýst, enda hafi hann fyrst aflað samþykkis úttektaraðila, sbr. XIV. kafla.]<sup>1)</sup>

□ Hafi leigusalas ekki [bætt úr annmörkum á húsnæðinu innan átta vikna frá því að tilkynning barst honum]<sup>1)</sup> og leigjandi ekki neytt réttar síns skv. 1. mgr. er leigjanda heimilt að rifta leigusamningnum, enda sé um verulega annmarka að tefla miðað við fyrirhuguð not leigjanda af húsnæðinu.

□ Leigjandi á kröfу til hlutfallslegrar lækkunar á leigu meðan eigi hefur verið bætt úr annmörkum á hinu leigða húsnæði.

□ [Úttektaraðila metur lækkun leigunnar skv. 3. mgr. óski leigjandi eða leigusalas eftir því en rétt er þó aðilum að bera mat hans undir kærunefnd húsamála, sbr. 85. gr.]<sup>1)</sup>

<sup>1)</sup> L. 63/2016, 10. gr.

## IV. kaffli. Viðhald leiguþúsnæðis.

### ■ 18. gr.

□ Leigjanda er skyld að fara vel með hið leigða húsnæði og í samræmi við umsamin afnot þess.

□ Verði hið leigða húsnæði eða fylgife þess fyrir tjóni af völdum leigjanda, heimilismanna eða annarra manna sem hann hefur leyft afnot af húsnæðinu eða umgang um það skal leigjandi gera ráðstafanir til að bæta úr tjóninu svo fljótt sem verða má. Ef leigjandi vanrækir þessar skyldur sínar er leigusalas heimilt að láta fara fram viðgerð að kostnað leigjanda. [Áður skal þó leigusalas gera leigjanda skriflega grein fyrir aðfinnslum sínum og segja til um hverra úrbóta er krafist og veita leigjanda frest í fjórar vikur frá því að honum bárust

athugasemdir leigusala til þess að ljúka viðgerðinni.]<sup>1)</sup> Áður en leigusali lætur framkvæma viðgerðina skal hann leita álits [úttektaraðila, sbr. XIV. kafla],<sup>1)</sup> og samþykkis hans fyrir kostnaðinum að verki loknu.

□ Skylt er leigjanda í tilvikum þeim, sem fjallað er um í 2. mgr., að sæta umgangi viðgerðarmanna án leigulækkunar enda þótt afnot hans takmarkist um tíma vegna viðgerðarinnar.

<sup>1)</sup> L. 63/2016, 11. gr.

### ■ 19. gr.

□ [Leigusali annast viðhald hins leigða, innan húss sem utan, sbr. þó 19. gr. a.]

□ Leigusali skal annast viðgerðir á gluggum, heimilistækjum sem teljast fylgiefé húsnæðis, hreinlætistækjum, læsingum, vatnskrönum, rafmagnstenglum, reykskynjara, slökkvitaki og öðru því er fylgir húsnæðinu ef leigjandi sýnir fram á að bilanir verði ekki raktar til vanrækslu eða yfirsjónar leigjanda eða fólks á hans vegum.

□ Leigusali skal jafnan halda hinu leigða húsnæði í leigu-hæfu ástandi, m.a. með því að láta málá húsnæðið og endurnýja gólfefni og annað slitlag með hæfilegu millibili, og viðhaldal brunavörnum, eftir því sem góðar venjur um viðhald húsnæðis segja til um.

□ Tjón á hinu leigða, sem er bótaskilt samkvæmt skilmálum venjulegrar húseigendatryggingar, þar á meðal sjálfsábyrgð vátryggingartaka samkvæmt skilmálum tryggingarinnar, skal leigusali ætið bera ef um íbúðarhúsnæði er að ræða.]<sup>1)</sup>

<sup>1)</sup> L. 63/2016, 12. gr.

### ■ [19. gr. a.]

□ Leigjanda er skylt að annast á sinn kostnað minni háttar viðhald, svo sem skipti á ljósaperum og rafhlöðum í reyk-skynjurum og hreinsun niðurfalla.]<sup>1)</sup>

<sup>1)</sup> L. 63/2016, 13. gr.

### ■ 20. gr.

□ [Telji leigjandi viðhaldi af hálfu leigusala ábótavant skal hann gera leigusala skriflega grein fyrir því sem hann telur að úrbóta þarfist og skora á hann að bæta úr því.

□ Hefjist leigusali ekki handa við að bæta úr annmörkum á húsnæðinu innan fjögurra vikna frá því að honum barst skrifleg tilkynning skv. 1. mgr. er leigjanda heimilt að ráða bót á þeim og draga frá leigunni þann kostnað sem af hlýst, enda hafi hann fyrst aftað samþykkis úttektaraðila, sbr. XIV. kafla.

□ Hafi leigusali ekki bætt úr annmörkum á húsnæðinu innan átta vikna frá því að tilkynning skv. 1. mgr. barst honum og leigjandi ekki neytt réttar síns skv. 2. mgr. er leigjanda heimilt að rifta leigusamningnum, enda sé um verulega annmarka að ræða miðað við fyrirhuguð not leigjanda af húsnæðinu.

□ Leigjandi á kröfu til hlutfallslegrar lèkkunar á leigu meðan eigi hefur verið bætt úr annmörkum á hinu leigða húsnæði.

□ Úttektaraðili metur lèkkun leigunnar skv. 4. mgr. óski leigjandi eða leigusali eftir því en rétt er þó aðilum að bera mat hans undir kærunefnd húsamála, sbr. 85. gr.]<sup>1)</sup>

<sup>1)</sup> L. 63/2016, 14. gr.

### ■ 21. gr.

□ Viðgerðar- og viðhaldsvinnu alla skal leigusali láta vinna fljótt og vel svo að sem minnstri röskun valdi fyrir leigjanda.

□ Leiði viðgerðar- eða viðhaldsvinna á vegum leigusala til verulega skertra afnota eða afnotamissis að mati [úttektaraðila, sbr. XIV. kafla],<sup>1)</sup> skal leigusali bæta leigjanda það með hlutfallslegum afslætti af leigugjaldi eða á annan þann hátt er aðilar koma sér saman um. Verði aðilar ekki ásáttir um bætur eða afslátt geta þeir leitað álits [úttektaraðila, sbr. XIV.

kafla],<sup>1)</sup> en heimilt er aðilum að bera álit hans undir [kærunefnd húsamála],<sup>2)</sup> sbr. 85. gr.

<sup>1)</sup> L. 63/2016, 15. gr. <sup>2)</sup> L. 66/2010, 3. gr.

### ■ 22. gr.

□ Í leigusamningum um íbúðarhúsnæði er heimilt að semja sérstaklega um að leigjandi annist á sinn kostnað að hluta eða öllu leyti það viðhald innan íbúðar sem leigusala ber að annast samkvæmt kafla þessum . . .<sup>1)</sup> Í slíkum tilvikum skal þess nákvæmlega getið í leigusamningnum til hvaða atriða viðhaldsskylda leigjanda nær.

<sup>1)</sup> L. 63/2016, 16. gr.

### V. kaffli. Reksturskostnaður.

#### ■ 23. gr.

□ [Leigusali greiðir öll fasteignagjöld, þ.m.t. fasteignaskatt og tryggingaiðgjöld.]

□ Þegar íbúðarhúsnæði er í fjöleignarhúsi skal leigusali greiða sameiginlegan kostnað skv. 43. gr. laga um fjöleignarhús, svo sem framlag til sameiginlegs reksturs og viðhalds sameignar, þar á meðal vegna lyftubúnaðar, hitunar, lýsingar og vatnsnotkunar í sameign, svo og kostnað vegna endurbóta á lóð eða húseign.

□ Leigusali skal greiða árgjöld veitustofnana, sem reiknast af matsverði húsnæðis, rúmfangi þess eða öðrum slíkum gjaldstofnum, án beinna tengsla við vatns- eða orkukaup. Þar sem veitustofnanir innheimta sérstakt gjald fyrir leigu á mælum eða öðrum slíkum búnaði sem þær leggja til skal leigusali greiða það gjald.]<sup>1)</sup>

<sup>1)</sup> L. 63/2016, 17. gr.

#### ■ [23. gr. a.]

□ Leigjandi greiðir vatns-, rafmagns- og hitunarkostnað í hinu leigða húsnæði. Leigjandi skal tilkynna viðeigandi veitustofnum að hann sé nýr notandi. Leigjanda ber þó ekki að tilkynna um slíkt þegar heitavatnsmælir er ekki sérgreindur fyrir leigu húsnæði.]<sup>1)</sup>

<sup>1)</sup> L. 63/2016, 18. gr.

#### ■ [23. gr. b.]

□ Heimilt er að víkja frá skiptingu reksturskostnaðar skv. 23. gr. og 23. gr. a, enda séu slík frávik tilgreind í leigusamningi.]<sup>1)</sup>

<sup>1)</sup> L. 63/2016, 18. gr.

#### ■ 24. gr.

□ Þegar þjónusta sú, sem leigjandi skal greiða, er sold sameiginlega til fleiri aðila skal kostnaði skipt í samræmi við ákvæði laga eða samninga um skiptingu afnotaréttar þar sem hann er sameiginlegur, en ella samkvæmt hlutfallstölum í skiptayfirlýsingu. Hafi slík yfirlýsing ekki verið gerð skal kostnaði skipt eftir eignarhluta íbúða í samræmi við ákvæði laga um ákvörðun eignarhluta í [fjöleignarhúsum].<sup>1)</sup>

<sup>1)</sup> L. 63/2016, 19. gr.

#### ■ 25. gr.

□ Leggi leigusali út rekstursgjöld . . . ,<sup>1)</sup> sem leigjandi skal greiða . . . ,<sup>1)</sup> falla þau í gjalddaga á næsta greiðsludegi húsaleigu. Leggi leigjandi út rekstursgjöld sem leigusala ber að greiða skal honum heimilt að draga þann kostnað frá næstu leigugreiðslu.

<sup>1)</sup> L. 63/2016, 20. gr.

#### ■ 26. gr.

□ Þegar ráðist er í að tengja leigu húsnæði við hitaveitu eða fjarvarmaveitu eða í aðrar endurbætur á húsnæðinu sem lækka reksturskostnað þess fyrir leigjanda er leigusala heimilt að hækka umsamaða húsaleigu um allt að helmingi þeirrar

- upphæðar er nemur sparnaði leigjanda í reksturskostnaði af völdum slískrar breytingar.
- Hafi leigusali fengið beinan útlagðan kostnað sinn af endurbótum skv. 1. mgr. endurgreiddan skal lækkun reksturskostnaðarins eftir það koma báðum aðilum til góða að jöfnu til loka leigutímans.

## **VI. kafli. Afnot leiguþúsnaðis.**

### **■ 27. gr.**

- Óheimilt er leigjanda að nota leiguþúsnaði á annan hátt en um er samið í leigusamningi. Leigusali getur þó ekki borið fyrir sig frávik frá ákvæði þessu sem ekki hafa þýðingu fyrir hann eða aðra þá sem í húsinu búa eða starfa.

### **■ 28. gr.**

- Leigjanda er óheimilt að framkvæma breytingar eða endurbætur á hinu leigða húsnæði eða búnaði þess, nema að fengnu samþykki leigusala og gerðu [skriflegu]<sup>1)</sup> samkomulagi um skiptingu kostnaðar og hvernig með skuli fara að leigutíma loknum. . . .<sup>1)</sup>

- [Skriflegt samþykki leigusala skal jafnframt liggja fyrir áður en leigjandi setur upp fastar innréttigar eða annað þess háttar fylgfé. Hið sama á við hyggist leigjandi skipta um læsingar í húsnæðinu.]<sup>1)</sup>

<sup>1)</sup> L. 63/2016, 21. gr.

### **■ 29. gr.**

- Leigjandi skal í hvívetna fara með leiguþúsnaðið á þann hátt sem samræmist góðum venjum um meðferð húsnæðis og fyrirhugudum notum þess.

- Leigjandi skal án tafar tilkynna leigusala um þau atriði utan húss eða innan sem þarfnaðast lagfæringar eða viðhalds.

### **■ 30. gr.**

- Leigjanda er skylt að ganga vel og snyrtilega um hið leigða húsnæði og gæta settra reglna og góðra venja um hreinlæti, hollustuhætti og heilbrigði.

- Leigjandi skal fara að viðteknum umgengnisvenjum og gæta þess að raska ekki eðlilegum afnotum annarra þeirra er afnot hafa af húsinu eða valda þeim óþægindum eða ónæði.

- Hafi umgengnisreglur verið settar í [fjöleignarhúsi]<sup>1)</sup> er leigjanda skylt að fara eftir þeim, enda skal kynna leigjanda síkar reglur.

- Leigusala er skylt að hlutast til um að aðrir þeir sem afnot hafa af húsi því sem hið leigða húsnæði er í fari að settum umgengnisreglum og gæti að öðru leyti ákvæða þessa kafla á þann veg að hagsmunir leigjanda séu tryggðir.

<sup>1)</sup> L. 63/2016, 19. gr.

### **■ 31. gr.**

- Leigjanda [verslunarhúsnæðis]<sup>1)</sup> er skylt að halda uppi eðlilegum daglegum rekstri á viðtekinn hátt, nema þegar sérstakar ástæður gera lokun nauðsynlega.

<sup>1)</sup> L. 63/2016, 22. gr.

### **■ 32. gr.**

- Sé hið leigða í húsi sem fellur undir ákvæði laga um [fjöleignarhús]<sup>1)</sup> ná ákvæði þessa kafla bæði til séreignar sem samningur tekur til og eftir atvikum sameignar bæði utan húss og innan.

<sup>1)</sup> L. 63/2016, 19. gr.

## **VII. kafli. Greiðsla húsaleigu. Tryggingar.**

### **■ 33. gr.**

- Húsaleigu skal greiða fyrsta dag hvers mánaðar fyrir fram fyrir einn mánuð í senn nema um annað sé samið. Ef gjaldaga leigu ber upp á almennan frídag skal hann vera næsti virki dagur þar á eftir.

- Húsaleigu og annað endurgjald, sem leigjanda ber að greiða, skal greiða á umsömdum stað, en annars á heimili leigusala, vinnustað hans eða öðrum þeim stað sem hann tiltekur innan lands.

- Leigjanda er þó ávallt heimilt að inna greiðslu af hendi í banka eða senda í pósti með sannanlegum hætti. Greiðsla með þeim hætti telst þá greidd að réttum greiðslustað og þann dag sem hún er innt af hendi í bankanum eða pósthúsini.

- Nú hefur leigjandi eigi gert skil á leigunni innan sjó sólarhringa frá gjalddaga og er þá leigusala rétt að krefjast hæstu lögleyfðu dráttarvaxta af henni til greiðsludags.

### **■ 34. gr.**

- [Óheimilt er að krefja leigjanda um fyrirframgreiðslu leigu, sbr. þó 1. mgr. 33. gr.]<sup>1)</sup>

<sup>1)</sup> L. 63/2016, 23. gr.

### **■ 35. gr. . . .<sup>1)</sup>**

<sup>1)</sup> L. 63/2016, 24. gr.

### **■ 36. gr.**

- [Pegar leigjandi á rétt til frádráttar frá leigugreiðslu vegna útlagðs kostnaðar, svo sem vegna ófullnægjandi ástands húsnæðis í upphafi leigutíma skv. 1. mgr. 17. gr. eða vanrækslu viðhalds skv. 2. mgr. 20. gr., skal hann framvísa reikningi ásamt fylgjögnum og með árituðu samþykki úttektaraðila, sbr. XIV. kafla, við leigusala eigi síðar en á næsta gjalddaga leigugreiðslu.]<sup>1)</sup>

- Þegar leigjandi á rétt til lækunar leigu, svo sem vegna ófullnægjandi ástands húsnæðis í upphafi leigutíma skv. 3. mgr. 17. gr., vanrækslu viðhalds skv. 4. mgr. 20. gr. eða vegna skerðingar á afnotarétti skv. 2. mgr. 21. gr., skal fjárhæð leigu lækka í samræmi við það sem aðilar hafa samið um eða í samræmi við mat úttektaraðila, sbr. XIV. kafla, á næsta gjalddaga leigugreiðslu.]<sup>1)</sup>

- Ákvörðun leigusala um að bera lögmaði slíks reiknings undir úrskurð dómstóla leysir hann ekki undan þeiri skyldu að meta reikninginn til bráðabirgða jafngildi réttmætrar leigugreiðslu.]<sup>1)</sup>

- Heimild leigusala til að bera réttmæti reiknings undir dómstóla fellur niður hafi mál eigi verið höfðað innan [tólf vikna]<sup>1)</sup> frá því að leigjandi framvísaði reikningnum eða matsgerð lýkur, ef [mat úttektaraðila, sbr. XIV. kafla, hefur verið borið]<sup>1)</sup> undir dómkvadda matsmenn.

<sup>1)</sup> L. 63/2016, 25. gr.

### **■ 37. gr.**

- Aðilum er frjálst að semja um fjárhæð húsaleigu og hvort og þá með hvaða hætti hún skuli breytast á leigutímanum. Leigufjárhæðin skal þó jafnan vera sanngjörn og eðlileg í garð beggja aðila.

### **■ 38. gr.**

- Þegar leigufjárhæð er ákvörðuð miðað við fermetrafjölda hins leigða húsnæðis þá skal tilgreina í leigusamningi á hvaða forsendum stærðarútreikningur pess byggir. Sé það eigi gert og aðila greinir á skal til grundvallar leggja þær forsendur og þá aðferð sem venjulegust er. Getur sá aðili, sem telur á rétt sinn hallað, krafist endurútreiknings á stærðinni og leiðréttингa á leigugjaldinu sem af því leiðir.

- [Ráðherra]<sup>1)</sup> getur með reglugerð sett fyrirmæli um stærðarútreikninga leiguþúsnaðis sem þá ber að byggja á og miða við nema skýr og ótvíræð samningsákvæði mæli á annan veg.

<sup>1)</sup> L. 126/2011, 187. gr.

### **■ 39. gr.**

- Áður en afhending hins leigða húsnæðis fer fram er leigusala rétt að krefjast þess að leigjandi setji honum tryggingu

fyrir réttum efndum á leigusamningnum, þ.e. fyrir leigu-greiðslum og skaðabótum vegna tjóns á hinu leigða sem leigjandi ber ábyrgð á samkvæmt ákvæðum laga þessara eða almennum reglum.

#### ■ 40. gr.

□ [Geri leigusali kröfу um tryggingu skv. 39. gr. skal hún vera með einhverjum eftirfarandi hætti]:<sup>1)</sup>

1. Ábyrgðaryfirlýsing banka eða samsvarandi aðila (bankaábyrgð).

2. Sjálfsskuldarábyrgð þriðja aðila, eins eða fleiri.

3. Leigugreiðslu- og viðskilnaðartrygging sem leigjandi kaupir hjá viðurkenndu tryggingafélagi.

4. [Tryggingarfé sem leigjandi greiðir til leigusala. Leigusali skal varðveita féo á sérgreindum óbundnum reikningi hjá viðskiptabanka eða sparisjóði sem ber svo háa vexti sem kostur er til greiðsludags sem greiðist leigjanda reyni ekki á tryggingu þessa. Óheimilt er að gera fjárnám í fenu meðan það er í vörlu leigusala. Leigusali má ekki ráðstafa fenu eða taká af því án samþykkis leigjanda nema fyrir liggi endanleg niðurstaða um bótaskyldu leigjanda. Þó er leigusala jafnan heimilt að ráðstafa tryggingarfénu til greiðslu á vangoldinni leigu, bæði á leigutímanum og við lok leigutímans.

5. Gjald í samtryggingarsjóð leigusala sem er lögaðili sem í atvinnuskyni leigir út húsnaði. Eingöngu er heimilt að nýta sjóðinn til að greiða það tjón sem leiðir af vanefndum á leigusamningum leigusala. Leigusali skal halda samtryggingarsjóði aðskildum frá öðrum rekstrarþáttum í starfsemi sinni.]<sup>1)</sup>

[6.]<sup>1)</sup> Önnur trygging en greinir í [1.–5. tölul.]<sup>1)</sup> sem leigjandi býður fram og leigusali metur gilda og fullnægjandi.

□ [Fjárhæð eða hámark tryggingar eða ábyrgðar skv. 1., 3. og 6. tölul. 1. mgr. fer eftir samkomulagi aðila. Gjald skv. 5. tölul. má aldrei nema hærri fjárhæð en svarar  $\frac{1}{10}$  af húsaleigu samkvæmt samningi aðila. Sjálfsskuldarábyrgð þriðja aðila skv. 2. tölul. 1. mgr. og tryggingarfé skv. 4. tölul. 1. mgr. mega eigi nema hærri fjárhæð en svarar þriggja mánaða húsaleigu samkvæmt samningi aðila.]<sup>1)</sup>

□ Leigusali getur valið á milli tryggingarkosta skv. 1. mgr., en leigjanda er þó rétt að hafna því að reiða fram tryggingarfé skv. 4. tölul. 1. mgr., enda bjóði hann þá fram í staðinn annars konar tryggingu sem að mati leigusala er fullnægjandi.

□ [Leigusali skal svo fljótt sem verða má og eigi síðar en innan fjögurra vikna frá skilum leiguhúsnaðisins gera leigjanda skriflega grein fyrir því hvort hann gerir kröfу í tryggingarfé skv. 4. tölul. 1. mgr. eða hefur uppi áskilnað um það, sbr. einnig 1. mgr. 64. gr. Hafi leigusali ekki gert kröfу skv. 1. málsl. skal hann skila leigjanda tryggingarfénu ásamt vöxtum án ástæðulauss dráttar og skal hann greiða leigjanda dráttarvexti skv. 1. mgr. 6. gr. laga um vexti og verðtryggingu frá þeim degi er fjórar vikur eru liðnar frá skilum leiguhúsnaðis til þess dags er hann skilar tryggingarfénu.

□ Geri leigusali kröfу í tryggingarféð innan fjögurra vikna frá skilum leiguhúsnaðisins skv. 4. mgr. skal leigjandi tilkynna leigusala skriflega hvort hann hafnar eða fellst á kröfuna innan fjögurra vikna frá móttöku kröfunnar. Hafni leigjandi kröfу leigusala ber leigusala að vísa ágreiningi um bótaskyldu leigjanda til kærunefndar húsamála eða höfða mál um bótaskyldu leigjanda innan fjögurra vikna frá þeim degi er leigjandi hafnaði kröfunni ella fellur trygging eða ábyrgð úr gildi. Trygging eða ábyrgð skal halda gildi sínu þar til endanleg niðurstaða liggur fyrir um bótaskyldu leigjanda.

□ Verði ágreiningur um bótaskyldu leigjanda lagður fyrir kærunefnd húsamála eða almenna dólmstóla skal trygging-

arféð vera áfram í vörlu leigusala skv. 4. tölul. 1. mgr. þar til endanleg niðurstaða liggur fyrir um bótaskyldu leigjanda.

□ Leigusali skal svo fljótt sem verða má og eigi síðar en innan fjögurra vikna frá skilum leiguhúsnaðisins gera leigjanda skriflega grein fyrir því hvort hann gerir kröfу í tryggingu eða ábyrgð skv. 1.–3. og 6. tölul. 1. mgr. eða hefur uppi áskilnað um það, sbr. einnig 1. mgr. 64. gr. Hafi leigusali ekki gert kröfу skv. 1. málsl. fellur trygging eða ábyrgð úr gildi. Þegar trygging eða ábyrgð er niður fallin samkvæmt þessari málsgrein skal leigusali skila leigjanda viðskiptabréfum eða öðrum skilfíkjum sem hann hefur afhent fyrir tryggingunni og leigjandi hefur lögvarða hagsmuni af að fá aftur.

□ Geri leigusali kröfу í tryggingu eða ábyrgð innan fjögurra vikna frá skilum leiguhúsnaðisins skv. 7. mgr. skal leigjandi tilkynna leigusala skriflega hvort hann hafnar eða fellst á kröfuna innan fjögurra vikna frá móttöku kröfunnar. Hafni leigjandi kröfу leigusala ber leigusala að vísa ágreiningi um bótaskyldu leigjanda til kærunefndar húsamála eða höfða mál um bótaskyldu leigjanda innan fjögurra vikna frá þeim degi er leigjandi hafnaði kröfunni ella fellur trygging eða ábyrgð úr gildi. Trygging eða ábyrgð skal halda gildi sínu þar til endanleg niðurstaða liggur fyrir um bótaskyldu leigjanda.

□ Gjald sem leigjandi greiðir í samtryggingarsjóð leigusala skv. 5. tölul. 1. mgr. er ekki endurgreitt við lok leigutíma.]<sup>1)</sup>

□ Þegar trygging er sett skv. 1.–3. tölul. og [6. tölul.]<sup>1)</sup> 1. mgr. skal leigusali gæta þess að því marki sem eðlilegt og sanngjarnit má telja að gera ábyrgðar- og tryggingaraðilum viðvart um vanefndir leigjanda og önnur þau atriði sem varðað geta hagsmuni þeirra og ábyrgð.

<sup>1)</sup> L. 63/2016, 26. gr.

#### VIII. kaffli. Aðgangur leigusala að leigðu húsnæði.

#### ■ 41. gr.

□ Leigusali á rétt á aðgangi að hinu leigða húsnæði með hæfilegum fyrirvara og í samráði við leigjanda þannig að hvorki fari í bága við hagsmuni hans né leigjanda til að láta framkvæma úrbætur á hinu leigða og til eftirlits með ástandi þess og meðferð. Leigusala er þó aldrei heimill aðgangur að hinu leigða húsnæði þegar leigjandi eða umboðsmaður hans er ekki viðstaddir, nema að fengnu samþykki leigjanda.

□ Á sex síðustu mánuðum leigutímabil er leigusala heimilt, sbr. 1. mgr., að sýna hið leigða ákvæðinn tíma á dag, þó ekki meira en tvær stundir hverju sinni, væntanlegum kaupendum eða leigjendum, en jafnan skal tilkynna slíka heimsókn með minnst eins sólarhrings fyrirvara. Við slíka sýningu húsnæðisins skal leigjandi eða umboðsmaður hans jafnan vera viðstaddir. Aðilum er þó heimilt að semja sín á milli um aðra tilhögum.

#### IX. kaffli. Sala leiguhúsnaðis, framsal leiguréttar, framleiga o.fl.

#### ■ 42. gr.

□ Sala leiguhúsnaðis er ekki háð samþykki leigjanda. Leigusala er því heimilt að framselja eignarrétt sinn að hinu leigða húsnæði og þar með réttindi sín og skyldur gagnvart leigjanda samkvæmt lögum þessum og leigusamningi.

□ Við slíkt framsal er hinn upphaflegi leigusali almennt laus mál að gagnvart leigjanda og kaupandinn kemur í einu og öllu í hans stað að því leyti.

□ Sé ekki um annað samið yfirtekur kaupandi miðað við umsamin afhendingardag öll réttindi og tekur á sig allar skyldur seljanda gagnvart leigjandanum.

□ Réttarstaða leigjanda er almennt óbreytt og hin sama þrátt fyrir eigendaskiptin, skyldur hans aukast ekki og réttindi hans minnka ekki.

□ Þegar eigendaskipti að leiguþúsnaði verða við gjaldþrot leigusala eða nauðungarsölu gilda sérreglur samkvæmt gjaldþrotalögum og lögum um nauðungarsölu sem fela í sér undantekningar frá ofangreindum meginreglum.

#### ■ 43. gr.

□ Þegar leiguþúsnaði er selt skal upphaflegur leigusali tilkynna leigjanda söluna og eigendaskiptin með sannanlegum hætti án ástæðulauss dráttar og eigi síðar en 30 dögum frá því að kaupsamningur var undirritaður.

□ Í þeirri tilkynningu skal greina nafn, heimilisfang og kennitölu hins nýja eiganda, við hvaða tíma eigendaskiptin eru miðuð gagnvart leigjanda, hvernig leigugreiðslum skuli háttáð og önnur þau atriði og atvik sem nauðsynlegt er að leigjandi fái vitnesku um.

□ Leigjanda er rétt að greiða leigu og beina öllum erindum, kvörtunum og ákvöðum varðandi hið leigða til upphaflegs leigusala þar til hann hefur fengið tilkynningu um annað skv. 1. og 2. mgr.

#### ■ 44. gr.

□ Óheimilt er leigjanda að framselja leigurétt sinn eða framlejga hið leigða húsnaði án samþykks leigusala, nema annað leiði af ákvæðum þessa kafla.

□ Það telst ekki framsal á leigurétti eða framleiga þótt leigandi heimili nákomnum skyldmennum eða venslamönnum sínum búsetu í hinu leigða húsnaði ásamt sér eða fjölskyldu sinni, enda haldist fjöldi heimilisfólks innan eðlilegra marka miðað við stærð og gerð leiguþúsnaðisins.

#### ■ 45. gr.

□ Nú deyr leigjandi áður en leigutíma er lokið og er þá dánarbúi leigjanda heimilt að segja leigusamningi upp með venjulegum fyrirvara enda þótt leigusamningur hafi verið gerður til lengri tíma. Eftirlifandi maka, skyldmennum og venslamönnum, sem voru heimilismenn leigjanda við andlát hans eða höfðu framfari af atvinnustarfsemi sem stunduð var í húsnaðinu og vilja taka við leigusamningum með réttindum og skyldum, er heimilt að ganga inn í leigusamninginn í stað hins látna nema af hendi leigusala séu færðar fram gildar ástæður er mæla því gegn.

#### ■ 46. gr.

□ Nú flytur leigjandi úr húsnaði sem hann hefur gert leigusamning um og er þá maka hans, sem verið hefur samvistum við hann í húsnaðinu, rétt að halda leigusamningi áfram með sama hætti og segir í 45. gr.

#### ■ 47. gr.

□ Þegar hjón hafa sameiginlega á leigu íbúðarhúsnaði, en hjúskap þeirra lýkur, skal fara um leiguréttindi eftir ákvæðum hjúskaparlangs.

□ Það hjóna, sem hefur aðallega vegna atvinnu sinnar afnot af atvinnuhúsnaði, skal hafa forgangsrétt til áframhaldandi leigu á því án tillits til þess hvort þeirra undirritaði leigusamning.

□ Um rétt leigusala til að segja upp leigusamningi vegna hjúskaparslita gilda lokaákvæði 45. gr., eftir því sem við á.

#### ■ 48. gr.

□ Annað hjóna getur ekki, svo bindandi sé, afsalað þeim rétti sem hinu er með ákvæðum þessa kafla áskilinn til yfirtöku á leigusamningi.

#### ■ 49. gr.

□ Nú deyr leigjandi að atvinnuhúsnaði en dánarbú hans

ákvæður að selja atvinnustarfsemi sem þar var stunduð og getur leigusali þá ekki reist uppsögn leigusamnings eða kröfu um breytingu á efni hans á þeim atvikum sérstaklega, enda sé söluverðmæti slíkrar atvinnustarfsemi háð áframhaldandi afnotum af hinu leigða húsnaði og að notkun þess haldist óbreytt áfram. Sama gildir eftir því sem við á ef ástæða fyrir sölu á atvinnustarfsemi er sambúðar- eða hjúskaparslit eða gjaldþrot leigjanda.

#### ■ 50. gr.

□ Þegar leigjandi er starfsmaður leigusala og hefur fengið íbúðarhúsnaði á leigu vegna þess starfs fellur leigusamningur niður án sérstakrar uppsagnar ef leigjandi lætur af störfum að eigin ósk, er löglega vikið úr starfi vegna brota í því eða vegna þess að fyrir fram umsömdum ráðningartíma er lokið.

#### X. kaffi. Forgangsréttur leigjanda.

#### ■ 51. gr.

□ Leigjandi íbúðarhúsnaðis skal að umsömdum leigutíma loknum hafa forgangsrétt til leigu þess, svo fremi sem húsnaðið er falt til áframhaldandi leigu í a.m.k. eitt ár.

□ Forgangsréttur leigjanda gildir ekki:

1. Ef um einstaklingsherbergi er að ræða.

2. Ef hið leigða húsnaði er í sama húsi og leigusali bír í sjálfur.

3. Ef íbúð er leigð með húsgögnum að öllu eða verulegu leyti.

4. Ef leigusali tekur húsnaðið til eigin nota.

5. Ef leigusali ráðstafar eða hyggst ráðstafa húsnaðinu til a.m.k. eins árs til skyldmenna í beinan legg, kjörbarna, fósturbarna, systkina, systkinabarna eða tengdaforeldra.

6. Ef leigusali hyggst selja húsnaðið á næstu sex mánuðum eftir lok leigutímans. Sé sala þess fyrirhuguð á þeim tíma eða næstu sex mánuðum þar á eftir er aðilum heimilt, þrátt fyrir önnur ákvæði laga þessara, að semja um lok leigutíma með ákvæðum skilyrðum og rýmingu þegar húsnaðið verður afhent nýjum eiganda. Hyggist nýr eigandi leigja húsnaðið út áfram skal leigjandi eiga forgangsrétt að því, en með þeim sömu takmörkunum og gilda samkvæmt öðrum tölu-liðum þessarar málsgreinar.

7. Ef verulegar viðgerðir, endurbætur eða breytingar, sem gera húsnaðið óibúðarhæft að mati [úttektaraðila, sbr. XIV. kafla],<sup>1)</sup> um a.m.k. tveggja mánaða skeið, eru fyrirhugaðar á næstu sex mánuðum frá lokum leigutímans.

8. Ef leigjandi er starfsmaður leigusala og honum hefur verið látið hið leigða húsnaði í té vegna starfsins eða í tengslum við það.

9. Ef leigjandi hefur á leigutímanum gerst sekur um vanefndir eða brot sem varðað gátu riftun.

10. Ef leigjandi hefur á annan hátt vanefnt skyldur sínar á þann veg eða sýnt af sér slíka háttsemi að eðlilegt megi telja að leigusali vilji ekki leigja honum áfram eða að veigamiklar ástæður að öðru leyti mæli gegn forgangsrétti hans.

11. Ef sanngjarnt mat á hagsmunum beggja aðila og aðstæðum öllum mælir gegn forgangsréttinum.

[12. Þegar leigusali er lögaðili sem ekki er rekinn í hagnaðarskyni og leigjandi uppfyllir ekki lengur lögmæt og mál-efnaleg skilyrði leigusala fyrir leigu húsnaðis eða veitir ekki nauðsynlegar upplýsingar svo unnt sé að staðreyna hvort hann uppfylli skilyrðin, enda komi fram í leigusamningi að forgangsréttur sé bundinn umræddu skilyrði.]<sup>1)</sup>

<sup>1)</sup> L. 63/2016, 27. gr.

**■ 52. gr.**

- Vilji leigjandi nota sér forgangsrétt skv. 1. mgr. 51. gr. skal hann tilkynna leigusala það skriflega og með sannanlegum hætti a.m.k. þremur mánuðum áður en leigusamningurinn rennur út við lok uppsagnarfresta eða við lok umsamins leigutíma. Að öðrum kosti fellur forgangsréttur hans niður.
- Telji leigusali að leigjandi eigi ekki forgangsrétt af þeim ástæðum sem greinir í 2. mgr. 51. gr. skal hann innan 14 daga frá því að hann fær tilkynningu skv. 1. mgr. gera leigjanda skriflega og rökstudda grein fyrir sjónarmiðum sínum og því hverjar ástæður standi forgangsréttinum í vegi. Að öðrum kosti telst hann una forgangsréttinum nema atvik og aðstæður séu með þeim hætti að telja verði slíka tilkynningu óþarfa, svo sem ef glöggt koma fram í leigusamningi eða uppsögn ástæður sem útiloka forgangsréttinn.

**■ 53. gr.**

- Pegar samningur er endurnýjaður samkvæmt ákvæðum 51. og 52. gr. skal leigufjárhæðin vera sanngjörn og eðlileg í garð beggja aðila. Líkur eru fyrir því að sú leigufjárhæð, sem áður gilti, sé sanngjörn og verður sá sem vefengir það að sýna fram á annað. Aðrir skilmálar, sem settir eru fyrir endurnýjuðum leigusamningi, skulu og gilda svo fremi sem þeir séu ekki ósanngjarnir eða brjóti í bága við góðar venjur í leiguviðskiptum.
- Skilmálar endurnýjaðs leigusamnings skulu að öðru leyti vera hinir sömu og í upphaflegum samningi.

**■ 54. gr.**

- Ef leigusali hefur af ásettu ráði, svo sem með málamyndagerningum eða með sviksamlegum hætti, náð til sín leighuhúsnaði eða orðið til þess að leigjandi glati forgangsrétti sínum þá skal hann bæta leigjanda sannanlegt fjártjón hans.
- Bótakrifu skv. 1. mgr. verður leigjandi að setja fram með sannanlegum hætti innan sex mánaða frá því að hann rýmdi húsnæðið. Að öðrum kosti fellur bótaréttur hans niður nema leigusali hafi beitt svikum.

**XI. kafli. Lok leigusamnings, uppsögn o.fl.****■ 55. gr.**

- Uppsögn ótímabundins leigusamnings er heimil báðum aðilum hans.
- Uppsögn skal vera skrifleg og send með sannanlegum hætti.

**■ 56. gr.**

- Uppsagnarfrestur ótímabundins leigusamnings skal vera:

1. [Einn mánuður af beggja hálfu á geymsluskúrum og þess háttar húsnæði til hvers sem það er notað.]
2. Þrír mánuðir af beggja hálfu á einstökum herbergjum.]<sup>1)</sup>

[3.]<sup>1)</sup> Sex mánuðir af beggja hálfu á [fbúðarhúsnæði],<sup>1)</sup> en [fbúðarhúsnæði]<sup>1)</sup> telst hvert það húsnæði þar sem fjölskylda getur haft venjulega heimilisaðstöðu. [Hafi leigjandi haft fbúðarhúsnæði á leigu lengur en tólf mánuði skal uppsagnarfrestur af hálfu leigusala vera tólf mánuðir sé um að ræða lögaðila sem í atvinnuskyni leigir út viðkomandi fbúðarhúsnæði.]<sup>1)</sup>

[4.]<sup>1)</sup> Sex mánuðir af beggja hálfu á atvinnuhúsnæði fyrstu fimm ár leigutímans, níu mánuðir næstu fimm ár og síðan eitt ár eftir tíu ára leigutíma.

□ [Prátt fyrir 3. tölul. 1. mgr. er leigusala sem er lögaðili sem ekki er rekinn í hagnaðarskyni heimilt að segja upp ótímabundnum leigusamningi með þriggja mánaða uppsagnarfresti þegar leigjandi uppfyllir ekki lengur lögmæt og mál-

efnaleg skilyrði leigusala fyrir leigu á húsnæði sem tilgreind eru í leigusamningi eða veitir ekki nauðsynlegar upplýsingar svo unnt sé að staðreyna hvort hann uppfylli skilyrðin. Skal slík uppsögn vera skrifleg og skal henni fylgja rökstuðningur fyrir uppsögninni.]<sup>1)</sup>

<sup>1)</sup> L. 63/2016, 28. gr.

**■ 57. gr.**

- Uppsagnarfrestur telst hefjast fyrsta dag næsta mánaðar eftir að uppsögn var send. Leigjandi skal hafa lokið rýmingu og frágangi hins leigða eigi síðar en kl. 13.00 næsta dag eftir að uppsagnarfresti lauk.
- Par sem lengd uppsagnarfresta skv. 56. gr. ræðst af leigutíma er miðað við þann tíma sem liðinn er þegar uppsögn er send.

**■ 58. gr.**

- Tímabundnum leigusamningi lýkur á umsömdum degi án sérstakrar uppsagnar eða tilkynningar af hálfu aðila.
- Tímabundnum leigusamningi verður ekki slitið með uppsögn á umsömdum leigutíma. Pó er heimilt að semja um að segja megi slíkum samningi upp á grundvelli sérstakra forsendna, atvika eða aðstæðna [enda sé ekki fjallað um viðkomandi forsendur, atvirk eða aðstæður í lögum þessum og skulu þau] tilgreind í leigusamningi. [Skal gagnkvæmur uppsagnarfrestur vera a.m.k. þrír mánuðir. Pá er leigusala sem er lögaðili sem ekki er rekinn í hagnaðarskyni heimilt að segja upp tímabundnum leigusamningi með þriggja mánaða uppsagnarfresti þegar leigjandi uppfyllir ekki lengur lögmæt og málefnaðleg skilyrði leigusala fyrir leigu á húsnæði sem tilgreind eru í leigusamningi eða veitir ekki nauðsynlegar upplýsingar svo unnt sé að staðreyna hvort hann uppfylli skilyrðin. Uppsögn tímabundins leigusamnings skal vera skrifleg og skal henni fylgja rökstuðningur fyrir uppsögninni.]<sup>1)</sup>

<sup>1)</sup> L. 63/2016, 29. gr.

**■ 59. gr.**

- [Ef áttá vikur líða frá því að leigutíma lauk samkvæmt uppsögn ótímabundins leigusamnings eða ákvæðum tímabundins leigusamnings en leigjandi heldur áfram að hagnýta hið leigða húsnæði og efna leigusamninginn framleinst leigusamningurinn ótímabundið enda hafi leigusali ekki skorað á hann að rýma húsnæðið eftir að leigutíma var lok-ið.]<sup>1)</sup>

<sup>1)</sup> L. 63/2016, 30. gr.

**XII. kafli. Riftun leigusamnings.****■ 60. gr.**

- Leigjanda er heimilt að rifta leigusamningi í eftirtöldum tilvikum:

1. Ef leigusali bætir eigi úr annmörkum á hinu leigða húsnæði skv. 17. gr.

2. Ef verulegur dráttur verður á afhendingu húsnæðisins. Beri leigusali ábyrgð á slíkum drætti á leigjandi jafnframt rétt til skaðabóta.

3. Ef húsnæðið spillist svo á leigutímanum af ástæðum sem ekki verða raktar til leigjanda að það nýtt eigi lengur til fyrirhugaðra nota eða teljist heilsuspíllandi að mati heilbrigðisýfirvalda.

4. [Ef leigusali bætir eigi úr annmörkum á hinu leigða húsnæði skv. 20. gr.]<sup>1)</sup>

5. Ef réttur leigjanda er verulega skertur vegna laga eða annarra opinberra fyrirmæla eða vegna þess að hann fer í bága við kvaðir sem á eigninni hvíla. Leigusali ber og bóta-ábyrgð á beinu tjóni leigjanda af völdum slíkrar skerðingar

ef hann vissi eða mátti um hana vita við gerð leigusamnings og létt hjá líða að gera leigjanda viðvart.

6. Ef eðlilegum afnotum eða heimilisfriði leigjanda er verulega raskað með ónæði og óþægindum vegna verulegra eða ítrekaðra brota annarra þeirra sem afnot hafa af sama húsi, á umgengnis- eða grenndarreglum, enda hafi leigusali þrátt fyrir [skriflegar]<sup>1)</sup> áskoranir vanrækt skyldur sínar skv. 4. mgr. [30. gr.]<sup>1)</sup> eða atvik séu að öðru leyti með þeim hætti að eðlilegt sé og sanngjarnat að leigjandi megi rifta leigusamningi. Slík atvik geta t.d. bæði varðað eðli brota og ónæðis og eins að frekari brot og óþægindi séu fyrirsjáanleg og lískleg.

7. Ef leigusali brytur ítrekað eða verulega gegn rétti leigjanda til að hafa umsamin óskoruð umráð og afnot hins leigða, svo sem með því að hindra eða takmarka afnotin eða með óheimilum aðgangi og umgangi um hið leigða eða ef leigusali gerist sekur um refsivert athæfi gagnvart leigjanda eða fjölskyldu hans.

8. Ef leigusali vanefnir frekar skyldur sínar samkvæmt leigusamningi eða lögum þessum á svo verulegan eða sviksamlegan hátt að riftun af hálfu leigjanda sé eðlileg eða nauðsynleg.

□ [Tilkynning um riftun skv. 1.–8. tölul. 1. mgr. skal vera skrifleg og skal henni fylgja rökstuðningur fyrir riftuninni.

□ Réttindi og skyldur leigusala og leigjanda samkvæmt leigusamningi falla niður frá dagsetningu riftunar og skal leigjandi rýma leiguþúsnaðið þegar í stað nema aðilar semji um annað og skal leigusali þá eiga rétt á greiðslu leigu vegna þess tíma sem líður frá riftun og þar til leigjandi hefur rýmt leiguþúsnaðið samkvæmt samkomulaginu.]<sup>1)</sup>

□ Nú neytir leigjandi ekki réttar síns til riftunar skv. 1. mgr. innan [átta vikna]<sup>1)</sup> frá því að honum varð kunnugt um vanefndir leigusala eða leigusali hefur að fullu bætt úr því sem aflaga fór og fellur réttur leigjanda til riftunar þá niður.

□ Um bótarétt leigjanda á hendur leigusala vegna riftunar fer eftir almennum reglum kröfuréttar.

<sup>1)</sup> L. 63/2016, 31. gr.

## ■ 61. gr.

□ Leigusala er rétt að rifta leigusamningi í eftirtoldum tilvikum:

1. Ef leigjandi greiðir ekki leiguna eða framlag til samteinlegs kostnaðar skv. V. kafla á réttum gjalddaga og sinnir ekki innan sjö sólarhringa skriflegri áskorun leigusala um greiðslu, enda hafi slík áskorun verið send eftir gjalddaga og leigusali þar tekið fram að hann muni beita riftunarheimild sinni.

2. Ef leigjanda ber að vinna leigugreiðslu af sér að hluta eða öllu leyti og honum verður á stórfelld vanräksla eða gerist sekur um meiri háttar handvömm við starfið.

3. [Ef leigjandi nýttir húsnæðið, sameign ef húsnæðið er í fjöleignarhúsi, eða lóð á annan hátt en lög þessi eða leigusamningur mæla fyrir um og landslög leyfa að öðru leyti og lætur ekki af misnotkun þess þrátt fyrir skriflega áminningu leigusala.]<sup>1)</sup>

4. Ef leigjandi framselur leigurétt sinn eða misnotar heimild sína til framleigu á húsnæðinu skv. IX. kafla eða ef framleigjandi gerist sekur um einhverja þá háttsemi sem heimilar leigusala riftun gagnvart upphaflegum leigjanda.

5. Ef leigjandi meinar leigusala eða öðrum, án gildra ástæðna, aðgang að hinu leigða húsnæði í bága við ákvæði 18. gr.

6. Ef leigjandi flyst úr húsnæðinu áður en leigutíma er

lokið án þess að hafa gert nauðsynlegar ráðstafanir til gæslu og verndar þess.

7. Ef húsnæðið spillist í umsjá leigjanda vegna slæmrar umgengni eða hirðuleysis þeirra sem leigjandi ber ábyrgð á og hann sinnir eigi án tafar [skriflegri]<sup>1)</sup> kröfu leigusala um úrbætur, sbr. 18. gr.

8. Ef leigjandi vanrækir, þrátt fyrir [skriflegar]<sup>1)</sup> áminningar leigusala, skyldur sínar til að sjá um að góð regla og umgengni haldist í hinu leigða húsnæði, sbr. 30. gr., eða gerist sekur um persónulega meingerð gagnvart leigusala eða fjölskyldu hans.

9. Ef leigjandi [verslunarhúsnæðis]<sup>1)</sup> vanrækir, þrátt fyrir [skriflegar]<sup>1)</sup> aðfinnslur leigusala, skyldu sína til að halda uppi eðlilegri starfsemi og venjubundnum rekstri, sbr. 31. gr.

10. Ef leigjandi vanrækir að öðru leyti en hér að framan greinir skyldur sínar samkvæmt leigusamningi eða lögum þessum á svo stórfelldan hátt að rýming hans úr húsnæðinu telst eðlileg eða nauðsynleg.

[11. Ef leigusali hefur sett lögmet og málefnaleg skilyrði fyrir leigu húsnæðis skv. 3. gr. a sem tilgreind eru í leigusamningi og leigjandi hefur gefið upp rangar eða villandi upplýsingar sem leiða til þess að hann hefur ranglega verið talinn uppfylla skilyrði fyrir úthlutun leiguþúsnaðis.]<sup>1)</sup>

□ [Tilkynning um riftun skv. 1.–11. tölul. 1. mgr. skal vera skrifleg og skal henni fylgja rökstuðningur fyrir riftuninni.

□ Réttindi og skyldur leigusala og leigjanda samkvæmt leigusamningi falla niður frá dagsetningu riftunar og skal leigjandi rýma leiguþúsnaðið þegar í stað nema aðilar semji um annað og skal leigusali þá eiga rétt á greiðslu leigu vegna þess tíma sem líður frá riftun og þar til leigjandi hefur rýmt leiguþúsnaðið samkvæmt samkomulaginu.]<sup>1)</sup>

□ Nú neytir leigusali ekki réttar síns til riftunar skv. 1. mgr. innan [átta vikna]<sup>1)</sup> frá því að honum varð kunnugt um vanefndir leigjanda eða leigjandi hefur að fullu bætt úr því er aflaga fór og fellur réttur leigusala til riftunar þá niður. Þetta gildir þó ekki þegar leigjandi hefur vanefnt skyldur sínar með sviksamlegum hætti eða þegar riftunarástæðan er leiguvanskil, sbr. 1. tölul. 1. mgr.

<sup>1)</sup> L. 63/2016, 32. gr.

## ■ 62. gr.

□ Nú er leigusamningi rift af einhverri þeirri ástæðu sem talin er í 61. gr. og skal leigjandi þá bæta leigusala það tjón sem leiðir beint af vanefndum hans. Ef leigusamningur var tímabundinn skal leigjandi auk þess greiða bætur sem jafngilda leigu til loka leigutímans, en ella til þess tíma er honum hefði verið rétt að rýma húsnæðið samkvæmt uppsögn.

□ Leigusala skal þó strax gera nauðsynlegar ráðstafanir til að leiga húsnæðið hið allra fyrsta gegn hæfilegu gjaldi og skulu þær leigutekjur, sem hann þannig hefur eða hefði átt að hafa, koma til frádráttar leigubótum skv. 1. mgr.

## XIII. kaffi. Skil leiguþúsnaðis.

### ■ 63. gr.

□ Að leigutíma loknum skal leigjandi skila húsnæðinu í hendur leigusala ásamt tilheyrandi fylgifei í sama ástandi og hann tók við því. Ber leigjandi óskerta bótaábyrgð á allri rýrnun húsnæðisins eða spjöllum á því, að svo miklu leyti sem slíkt telst ekki eðlileg afleiðing venjulegrar eða umsáminnar notkunar húsnæðisins eða stafar af atvikum sem voru leigjanda sannanlega óviðkomandi.

### ■ 64. gr.

□ Bótakröfu sinni á hendur leigjanda verður leigusali að

lýsa skriflega, eða hafa uppi áskilnað þar að lútandi, innan [fjögarra vikna]<sup>1)</sup> frá skilum húsnaðisins.

□ Hafi slíkir ágallar ekki verið sýnilegir við skil húsnaðisins skal þeim lýst með sama hætti innan [fjögarra vikna]<sup>1)</sup> frá því að þeirra varð vart.

□ Sé þessara tímamarka ekki gætt fellur bótaréttur leigusala niður nema leigjandi hafi haft svik í frammi.

<sup>1)</sup> L. 63/2016, 33. gr.

### ■ 65. gr.

□ Nú koma leigusali og leigjandi sér ekki saman um bótafjárhæð vegna skemmda á hinu leigða húsnaði og skal [úttektaraðili, sbr. XIV. kafla],<sup>1)</sup> þá meta tjónið. Rétt er þó hvorum aðila að krefjast mats dómkvaddra manna á bótafjárhæðinni innan [átta vikna]<sup>1)</sup> frá því að aðila var kunn niðurstaða [úttektaraðilans].<sup>1)</sup>

<sup>1)</sup> L. 63/2016, 34. gr.

### ■ 66. gr.

□ [Samkomulag leigjanda og leigusala skv. 1. mgr. 28. gr. skal gilda um breytingar og endurbætur á hinu leigða húsnaði við skil á húsnaðinu. Hafi leigjandi ekki gert samkomulag skv. 1. mgr. 28. gr. við leigusala um breytingar eða endurbætur á hinu leigða húsnaði eða búnaði þess skal leigusalinn eignast endurbæturnar án sérstaks endurgjalds við lok leigutímans nema hann kjósi þá eða áður að krefjast þess að leigjandi komi hinu leigða í upprunalegt ástand.]<sup>1)</sup>

□ Leigjanda er heimilt að flytja brott með sér fastar innréttigar og annað þess háttar fylgifé, sem hann hefur sjálfur kostað til húsnaðisins, þegar ekki er um að ræða breytingar eða endurbætur á hinu leigða húsnaði eða búnaði þess skv. 1. mgr. 28. gr., enda komi leigjandi hinu leigða húsnaði aftur í upprunalegt ástand.]<sup>1)</sup>

<sup>1)</sup> L. 63/2016, 35. gr.

### ■ 67. gr.

□ Hafi leigjandi skipt um læsingar í húsnaðinu ber honum að skila leigusala öllum lyklum að þeim án sérstaks endurgjalds.

### ■ 68. gr.

□ Áður en leigjandi flytur úr húsnaðinu skal hann gefa leigusala upp það heimilisfang sem erindi og tilkynningar, er leigusali getur þurft að koma til hans, þar með talin tilkynning skv. 64. gr., má og skal senda til.

## XIV. kaffli. Úttekt leiguþúsnaðis.

### ■ 69. gr.

□ [Leigjandi og leigusali eða umboðsmenn þeirra skulu gera úttekt á ástandi hins leigða húsnaðis áður en afhending fer fram og við lok leigutíma. Óháður úttektaraðili skal annast úttektina óski annar aðilinn þess og skiptist kostnaðurinn við úttektina þá að jöfnu milli þeirra.

□ Sé óskað úttektar úttektaraðila á ástandi hins leigða húsnaðis í öðrum tilvikum en kveðið er á um í 1. mgr. skal sá aðili sem óskar hennar greiða kostnaðinn vegna úttektarinnar. Leigjanda og leigusala er þó ávallt heimilt að semja um aðra kostnaðarskiptingu vegna úttektarinnar.

□ Leigjandi og leigusali skulu koma sér saman um úttektaraðila.

□ Komi upp ágreiningur milli aðila við framkvæmd þessarar greinar geta aðilar vísað honum til kærunefndar húsamála.<sup>1)</sup>

□ Sá sem framkvæmir úttektir skal annast störf sín við úttektir af kostgæfni og ætlið gæta fyllsta hlutleysis gagnvart báðum málsaðilum. Hann skal og gæta þagmælsku um einkahagi fólkis sem hann kann að fá vitneskju um í starfi sínu.

□ [Ákvæði 2.–5. mgr. gilda einnig um önnur þau verkefni sem gert er ráð fyrir að úttektaraðilar sinni samkvæmt lögum þessum.]<sup>1)</sup>

<sup>1)</sup> L. 63/2016, 36. gr.

### ■ 70. gr. . .<sup>1)</sup>

<sup>1)</sup> L. 63/2016, 37. gr.

### ■ 71. gr.

□ . . .<sup>1)</sup>

□ [Úttekt úttektaraðila skv. 1. eða 2. mgr. 69. gr. framkvæmir úttektaraðili sem leigjandi og leigusali hafa komið sér saman um skv. 3. mgr. 69. gr.]<sup>1)</sup> að viðstöddum leigusala og leigjanda eða umboðsmönnum þeirra. Á sérstaka úttektaryfirlýsingu . . .<sup>1)</sup> skal skrá sem ítarlegasta lýsingu á hinu leigða húsnaði og ástandi þess og getur leigjandi [eða leigusali]<sup>1)</sup> þá strax komið að aðfinnslum sínum og óskað úrbóta.

□ Á úttektaryfirlýsingu skal staðgreina nákvæmlega hið leigða húsnaði, geta fylgifjár, dagsetningar leigusamnings og aðila hans.

<sup>1)</sup> L. 63/2016, 38. gr.

### ■ 72. gr.

□ Úttektaryfirlýsing skal gerð í þríriti og skulu aðilar leigusamnings og [úttektaraðili skv. 3. mgr. 69. gr.]<sup>1)</sup> undirrita hana og halda einu eintaki hver. Úttekt skal leggja til grundvallar ef ágreiningur verður um bótaskyldu leigjanda við skil húsnaðisins.

□ . . .<sup>1)</sup>

<sup>1)</sup> L. 63/2016, 39. gr.

## XV. kaffli. Leigumiðlun.

### ■ 73. gr.

□ Peim einum, sem hlotið hafa til þess sérstakt leyfi [ráðherra],<sup>1)</sup> er heimilt að reka miðlun með leiguþúsnaði, sem lög þessi taka til, í því skyni að koma á leigusamningi eða annast framleigu eða skipti á leiguþúsnaði. Starfsheiti þess sem rekur leigumiðlun er leigumiðlari.

□ [Ráðherra]<sup>1)</sup> gefur út leyfisbréf til leigumiðlara og skal hann greiða fyrir það gjald í ríkissjóð samkvæmt lögum um aukatekjur ríkissjóðs. Leyfið skal gefið út til fimm ára í senn.

<sup>1)</sup> L. 162/2010, 14. gr.

### ■ 74. gr.

□ Hver sá, sem uppfyllir eftirgreind skilyrði, getur fengið leyfi [ráðherra]<sup>1)</sup> til að reka leigumiðlun, sbr. 1. mgr. 73. gr.:

1. . .<sup>2)</sup>

2. Er lögráða og hefur forræði á búi sínu.

3. Sannar að hann hafi góða þekkingu á húsaleigulöggjöf og annari löggjöf er máli skiptir og nauðsynlega kunnáttu í bókhaldi samkvæmt ákvæðum í reglugerð sem [ráðherra]<sup>1)</sup> setur.

4. Leggur fram tryggingu, sem [ráðherra]<sup>1)</sup> ákvæður í reglugerð, fyrir greiðslu kostnaðar og tjóns sem aðilar leigusamnings kunna að verða fyrir af hans völdum.

□ Heimilt er að synjamanni um leyfi þetta ef ákvæði 2. mgr. 68. gr. almennra hegningarlaga eiga við um hann.

□ Birta skal auglýsingu um veitingu leyfis til leigumiðlunar í Lögbirtingablaði. Á sama hátt skal birta auglýsingu um svíptingu leyfis, sbr. 81. gr.

<sup>1)</sup> L. 162/2010, 14. gr. <sup>2)</sup> L. 77/2011, 11. gr.

### ■ 75. gr.

□ Heimilt er samtökum leigusala eða húseigenda, samtökum leigjenda, sveitarstjórnunum svo og félögum eða stofnunum að reka leigumiðlun í eðlilegum tengslum við aðra starfsemi sína, enda lúti leigumiðlun stjórn leigumiðlara skv. 74. gr.

**■ 76. gr.**

- Leigumiðlari skal hafa opna skrifstofu þar sem hann rekur starfsemi sína.
- Leigumiðlari ber ábyrgð á að leigusamningur sé gerður í samræmi við lög þessi. Honum ber skylda til að upplýsa aðila um réttindi þau og skyldur sem þeir taka á sig með undirritun leigusamningsins, svo og um réttaráhrif hans almennt eftir því sem ástæða er til.
- Leigumiðlari skal ætíð vanda til gerðar leigusamnings og gæta þess að þar komi fram allar þær upplýsingar sem máli skipta.
- Óheimilt er leigumiðlara að gerast sjálfur aðili að leigusamningi sem honum er falið að koma á.

**■ 77. gr.**

- Leigumiðlara ber þóknun úr hendi leigusala fyrir að koma á leigusamningi. Þóknun skal vera sanngjörn með tilliti til þeirrar vinnu sem hann lætur í té og þeirra hagsmuna sem um er að tefta.
- Óheimilt er leigumiðlara að taka þóknun af leigjanda fyrir miðlunina og gerð leigusamnings. Þó er leigumiðlara heimilt að áskilja sér sanngjarna þóknun eða kostnað úr hendi leigjanda ef um er að ræða sérstaka þjónustu í hans þágu. Skal um það semja fyrir fram.

**■ 78. gr.**

- Leigumiðlara er rétt að taka að sér innheimtu og móttöku húsaleigu, eftirlit með umgengni um húsnæðið og framkvæmd viðhalds á því, skiptingu reksturskostnaðar, vörlu tryggingarfjár svo og önnur þau störf í tengslum við framkvæmd leigusamningsins sem aðilar hans, annar eða báðir, fela leigumiðlara að annast fyrir sína hönd.
- Umboð leigumiðlara til slíksra starfa skal vera skriflegt, vottfest og báðum aðilum leigusamnings fengið afrit af því.
- Endurgjald til leigumiðlara fyrir þessi störf skal vera sanngjart og í samræmi við fyrirhöfn hans.

**■ 79. gr.**

- Leigumiðlara er óheimilt að skýra frá því sem hann kemst að í starfi sínu um hagi viðskiptamanna sinna eða þeir hafa trúð honum fyrir.

**■ 80. gr.**

- Leigumiðlari er bókhaldsskyldur samkvæmt lögum um bókhald.
- Leigumiðlari skal halda skrá um húsnæði það sem honum er falið að leigja út og varðveita eintak af öllum leigusamningum sem hann gerir.
- [Leigumiðlara er skylt að veita ráðuneytinu þær upplýsingar sem nauðsynlegar eru til að það geti sinnt eftirliti skv. 81. gr.]<sup>1)</sup>
- Leigumiðlari skal fyrir 15. október ár hvert senda ráðherra staðfestingu á að hann hafi í gildi fullnægjandi tryggingu skv. 4. tölul. 1. mgr. 74. gr.]<sup>1)</sup>

<sup>1)</sup> L. 63/2016, 40. gr.**■ 81. gr.**

- [Ráðherra skal hafa eftirlit með því að leigumiðlarar fullnægi lögmæltum skilyrðum til leyfis til að reka miðlun með leiguhúsnæði. Missi leigumiðlari eitthvert þeirra skilyrða sem sett eru fyrir leyfisveitingu getur ráðherra svipt Hann leyfi sínu tímabundið eða til loka leyfistímans. Við sviptingu leyfis skal leigumiðlari hætta leigustarfsemi sinni. Hlutað-eigandi löggreglustjóra ber að veita atbeina sinn til að stöðva starfsemina og innsigla ef þörf krefur.]<sup>1)</sup>

<sup>1)</sup> L. 63/2016, 41. gr.**■ 82. gr.**

- [Ráðherra]<sup>1)</sup> setur í reglugerð<sup>2)</sup> nánari ákvæði um leigumiðlun, þar á meðal um skilyrði fyrir veitingu leyfis til leigumiðlunar . . .<sup>3)</sup>

<sup>1)</sup> L. 162/2010, 14. gr. <sup>2)</sup> Rg. 675/1994, sbr. 1197/2018. <sup>3)</sup> L. 63/2016, 42. gr.**XVI. kaffli. Húsnæðisnefndir.****■ 83. gr.**

- Par sem húsnæðisnefndir sveitarfélaga eru [skipaðar af sveitarstjórn skv. 13. gr. laga nr. 44/1998, um húsnæðis-mál],<sup>1)</sup> skulu þær fylgjast með framkvæmd húsaleigumála samkvæmt lögum þessum og aðla upplýsinga um þau mál í hlutaðeigandi sveitarfélagi eftir því sem kostur er. Þeim ber og að veita aðilum leigusamnings, sem þess óska, leiðbeiningar um ágreiningsefni og leitast við að sætta slíkan ágreining.

<sup>1)</sup> L. 66/2010, 5. gr.**XVII. kaffli. [Kærunefnd húsamála.]<sup>1)</sup>**<sup>1)</sup> L. 66/2010, 3. gr.**■ 84. gr.**

- [Ráðherra skipar samkvæmt tilnefningu Hæstaréttar Íslands þrjá fulltrúa í kærunefnd húsamála til þriggja ára í senn. Skulu tveir þeirra vera lögfræðingar og einn skal hafa sérþekkingu á sviði byggingartækni. Annar lögfræðinganna skal vera formaður og uppfylla skilyrði um embættisgengi hér-aðsdómar. Varamenn skulu skipaðir á sama hátt. Nefndinni er heimilt að kalla sér til ráðgjafar og aðstoðar sérfróða aðila ef hún telur þörf á.

- Kostnaður við starfsemi nefndarinnar greiðist úr ríkis-sjóði.]<sup>1)</sup>

<sup>1)</sup> L. 63/2016, 43. gr.**■ 85. gr.**

- [Greini aðila leigusamnings á við gerð og/eða framkvæmd leigusamnings geta þeir, einn eða fleiri, leitað atbeina kærunefndar húsamála sem kveður upp skriflegan úrskurð svo fljótt sem kostur er og jafnan innan tveggja mánaða frá því að erindi barst henni.

- Erindi til kærunefndar skal vera skriflegt og í því skal skilmerekilega greina hvort sé ágreiningsefnið, hver sé krafa aðila og rökstuðningur fyrir henni.

- Kærunefnd skal gefa gagnaðila kost á að tjá sig og koma sjónarmiðum sínum og kröfum á framfæri. Skal gefa honum hæfilegan frest í því skyni. Enn fremur er kærunefnd heimilt að kalla eftir öllum nauðsynlegum upplýsingum og gögnum um málið gerist þess þörf.

- Málsmeðferð fyrir kærunefnd skal að jafnaði vera skrifleg en þó getur nefndin kallað málsaðila eða fulltrúa þeirra á sinn fund. Að öðru leyti fer um málsmeðferð hjá nefndinni samkvæmt ákvæðum stjórnsýslulaga og nánari reglum sem ráðherra setur, að fengnum tillögum frá nefndinni.

- Úrskurðir kærunefndar eru bindandi gagnvart málsaðilum og sæta ekki kæru til aðra stjórnavalda. Málsaðilum er heimilt að bera úrskurði nefndarinnar undir dómstóla innan átta vikna frá því að úrskurður var kveðinn upp og frestast þá réttaráhrif hans uns dómur fellur. Sé mál höfðað vegna úrskurðar nefndarinnar fyrir dómstólum er nefndinni heimilt að fresta afgreiðslu sambærilegra mála sem eru til meðferðar hjá henni þar til dómur gengur í málinu.

- Ef kæra er bersýnilega tilefnislaus að mati kærunefndarinnar getur nefndin gert kæranda að greiða gagnaðila málskostnað. Aðför má gera án undangengins dóms til fullnustu málskostnaðar.

Úrskurðir kærunefndar húsamála eru aðfararhæfir án undangengins dóms.

Kærunefndin skal birta úrskurði sína.

Ráðherra skal með reglugerð<sup>1)</sup> setja nánari ákvæði um erindi til kærunefndar, störf hennar, verkefni, valdsvið, starfs-skilyrði o.fl.<sup>2)</sup>

<sup>1)</sup> Rg. 878/2001. <sup>2)</sup> L. 63/2016, 44. gr.

### XVIII. kafli. Kynning laganna o.fl.

#### ■ 86. gr.

[Ráðuneytið]<sup>1)</sup> skal annast kynningu á lögum þessum og reglugerðum settum samkvæmt þeim.

[Íbúðalánasjóður]<sup>2)</sup> skal fylgjast með þróun og ástandi

húsaleigumarkaðarins í samráði við húsnæðisnefndir sveitarfélaga.

[Ráðherra]<sup>3)</sup> getur með reglugerð sett nánari ákvæði um framkvæmd laga þessara.

<sup>1)</sup> L. 63/2016, 45. gr. <sup>2)</sup> L. 66/2010, 1. gr. <sup>3)</sup> L. 162/2010, 14. gr.

### XIX. kafli. Gildistaka.

#### ■ 87. gr.

Lög þessi taka gildi 1. janúar 1995. Þeir samningar, sem gerðir hafa verið fyrir þann tíma, skulu endurskoðaðir til samræmis við ákvæði þessara laga fyrir 1. mars 1995.

...